



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>



50. 20.



Rec'd Feb. 28, 188

A 2, 42

150. 20.





·Q· AVRELII SVMMACHI

ORATIONVM INEDITARVM

PARTES

Nullo veterum minor Symmachus.

Macrobius Saturn. V. 1

Q. AVRELII SVMMACHI V.C.

OCTO ORATIONVM INEDITARVM

PARTES

INVENIT NOTISQVE DECLARAVIT

ANGELVS MAIVS

BIBLIOTHECA AMBROSIANA A LINGVIS ORIENTALIBVS

ACCEDVNT ADDITAMENTA QVÆDAM

MEDIOLANI

REGIIS TYPIS

MDCCCXV-

150. 20.



N. Hurd Sc.

2397
BOSTON.

IACOBO COMITI MELLERIO

IN REGNO LONGOBARDICO-VENETO

DITIONIS MEDIOLANENSIS

PRO PRÆSIDE

SVMMACHVM ORATOREM

ANGELVS MAIVS

GRATI ANIMI CAUSA DICABAT

EDITORIS PRÆFATIO

I. **Q**UOD eloquentiæ studiis felix faustumque sit, antiquum nomen, Oratorem novum Q. Aurelium Symmachum ⁽¹⁾ in lucem emittimus: cuius quidem quanta forensis vis fuerit, ante nostram editionem per se ignotum erat. Nam superstitionibus Epistolarum eius voluminibus decem, ita eiusdem oratoria scripta perierant, ut, præter ingentem famam, nihil e facundissimo Rhetore iam reliquum esset. Multa tamen exstabant testimonia veterum, qui miris Symmachum laudibus exstulerunt. Is enim et in Inscriptione, quæ Romæ adhuc visitur ⁽²⁾, *oratoris disertissimi* titulo decoratur. Tum Ansonius ad eundem scribens ⁽³⁾ *ille*, inquit, *suavissimus ille floridus tui sermonis afflatus. Haud quisquam ita nitet, ut comparatus tibi non sordeat.* Iam divus Ambrosius Valentinianum Iuniorem monens ⁽⁴⁾, ne Symmachi Relationi pro ara Victoriæ faciles

De Symmacho testimonia veterum Latinorum.

(1) Etsi in Codice non *Symmachus* sed *Summachus* aut *Summacus* constanter legitur, tamen in hac præfatione a communiore iam scriptura recedendum mihi non putavi. (2) In hortis Cœlimontanis Casaliorum prope D. Stephanum Rotundum. Est autem edita post alios a Cl. Arevalo in Prudentio Lib. II. in *Symmach.* v. 909. (3) In Epistolis Symmachianis Lib. I. 32. Utor autem Editione Parei anni 1617. (4) Epist. 2. adversus Symmachum.

aures præberet, aurea, inquit, est lingua sapientium litteratorum, quæ phaleratis dotata sermonibus, et quodam splendentis eloquii velut coloris preciosi corusco resultans, capit animorum oculos specie formosi, visuque perstringit. Insigne est etiam testimonium Macrobiani in Saturnaliibus ⁽¹⁾: quatuor sunt genera dicendi; copiosum, in quo Cicero dominatur; breve, in quo Sallustius regnat; siccum quod Frontoni adscribitur; pingue et floridum, in quo Plinius Secundus quondam, et nunc nullo veterum minor noster Symmachus luxuriatur. His accedit poeta Prudentius, qui adversus Symmachum scribens, eiusdem tamen oratorias laudes vehementer amplificat ⁽²⁾:

*O linguam miro verborum fonte fluentem
Romani decus eloquii!*

Os dignum æterno tinctum quod fulgeat auro!

Rursus paulo infra de Symmachi scripto idem poeta ait:

Illæsus maneat liber, excellensque volumen

Obtineat partam dicendi fulmine famam.

Denique in Præfatione secundi libri dicitur a Prudentio Symmachus:

Quo nunc nemo disertior

Exsultat, fremit, intonat,

Ventisque eloquii tumet ⁽³⁾.

Addatur et Auctor Operis de Promissionibus Dei ⁽⁴⁾: Symmachus mirabili eloquio et scientia

(1) Lib. V. 1. (2) Lib. I. v. 633. (3) Vide præterea Lib. II. 10. 19. 68. 91. (4) Part. 3. Promiss. 38.

præditus. Addatur et Apollinaris Sidonius ⁽¹⁾: *Q. Symmachi rotunditatem vestigiis præsumptiosis insequuturus*. Denique Cassiodorius Symmachi laudibus magnum cumulum adiicit, primum quidem in Epistolis ⁽²⁾: *Retinetis facundissimi Symmachi eximium dictum*. Tum in Historia tripartita ⁽³⁾: *Symmachus inter senatores præcipuus habebatur, eratque romani eloqui eruditione mirabilis, cuius multi quoque reperiuntur libri*. Atque hæc fere sunt Latinorum veterum de Symmachi eloquentiâ iusta præconia. Quæ vero nonnulli ex his vel eidem vivo blandientes, vel æstu quodam admirationis abrepti, præter æquitatem et meritum laudi dederunt; ea quum neque Symmacho ad gloriam sint necessaria, neque gravitati testimonii satis convenient, silere satius iudicavi.

II. Neque vero latinis finibus fama Symmachi se continuit, sed ad ipsos Græcos secundissimo sonitu permeavit. Namque Libanius Græcorum sui temporis disertissimus, Symmachi eloquentiam et scholam collaudans ait ⁽⁴⁾: *κεχαρισθαι σε τοῖς λογίοις θεοῖς, ἐγείραντα τοὺς νέους ἐπὶ τοὺς λόγους*. *Gratiam te a Diis eloquentiæ præsidibus iniisse* (aiunt), *iuvenes ad eloquentiæ studium excitando*. Iam Socrates Oratori nostro ætate suppar gloriosius adhuc de eo loquitur ⁽⁵⁾:

De Symmacho testimonia Græcorum.

(1) Epist. Lib. I. 1. (2) Var. Lib. xi. 1. (3) Lib. ix. 23. (4) In Epistola ad eundem, quæ est 923. Edit. Amstel. in folio anni 1738.

(5) Hist. Eccl. V. 14.

Σύμμαχος πρῶτος μὲν ἦν τῆς ἐν Ῥώμῃ συγκλή-
του. Ἐδανμάζετο δὲ ἐπὶ παιδεύσει λόγων ῥω-
μαϊκῶν καὶ γὰρ αὐτῷ πολλοὶ λόγοι συγγεγραμ-
μένοι τῇ Ῥωμαίων γλώσσῃ τυγχάνουσι. *Symma-
chus inter senatores principem locum obtinebat, et
ob præstantiam latinæ facundiæ in summa admi-
ratione erat: multæ, quippe orationes eius exstant
latina lingua conscriptæ.* Photio quoque Sym-
machi orationes innotuerunt: namque ab eo
in Bibliotheca (1) dicitur per quamdam antono-
masiam Σύμμαχος ὁ λογογράφος, *Symmachus
orationum scriptor*, seu orator. Denique Nice-
phorus Callistus (2) ex Socratis sententia prorsus
loquitur: Σύμμαχος πρῶτος ὢν τῆς ἐν Ῥώμῃ
συγκλήτου βουλῆς, διὰ δαύματος ἦν τοῖς
προσούσιν αὐτῷ ἁγαθοῖς μάλιστα δ' ἐπηρεῖτο
ἐπὶ παιδεύσει λόγων ῥωμαϊκῶν. Πολλοὺς γὰρ
καὶ ἄγαν ἀρίστους λόγους τῇ σφετέρῃ γλώσσῃ
ἐξέδοτο. *Symmachus senatus romani princeps,
in magna, propter egregia quæ in eo erant or-
namenta, admiratione fuit, maximeque ob lati-
nam eloquentiam laudatus est. Multas enim et
admodum præclaras edidit orationes.*

Symmachus
vulturum ora-
tionum auctor.

III. Cassiodorius igitur et Socrates et Photius
et Nicephorus, ut notare potuimus, plures ora-
tiones a Symmacho scriptas esse confirmant.
Quin multas ipse Orator commemorat in Epi-
stolis (3): et quidem in sexagesima quarta Libri

(1) Cod. 80. p. 197. (2) Hist. Recl. XII. 21. (3) Lib. I. 44. 52. 78.
96. 105. II. 7. IV. 29. 30. 45. V. 9. 43. VII. 58.

quarti Epistola ait, se ad Eupraxium mittere recentiores quinque ineditas orationes, quarum uni iam fiduciam fecisset publicus favor. Breves tamen has Symmachi commentationes fuisse arbitror, quandoquidem ipse plerumque vocitat *oratiunculas*. Panegyrici eius in tyrannum Maximum meminerunt item Cassiodorius, Socrates et Nicephorus ⁽¹⁾: cuius orationis defensionem deinde instruere Symmachus coactus est ⁽²⁾. Atque huc scilicet sententia referenda est cuiusdam loci ⁽³⁾, quo Auctor ait: *unum litterarum familiarium genus sibi superesse post amaros casus orationum suarum*. Nempe Maximi dicto Panegyrico, gravem offensionem apud Theodosium suscepit Symmachus: cuius periculi, ut opinor, evadendi causa, præter memoratam defensionem, civiles etiam et bellicas ipsius Theodosii laudes stili honore percurrit ⁽⁴⁾.

IV. Sed enim tam laudatum tam copiosum tam veterem oratorem, ut plerosque alios doctæ antiquitatis labores, cæca quædam necessitas aholeverat. Ferrea quippe tempora versata sunt in omni genere perdendi atque vastandi: in iisque barbari nescio qui Symmachum quoque nostrum non dubitarunt æternis tenebris exitioque mandare. In quo audaci immanique consilio proh quanti ingenii, eloquentiæ, venustatis naufragium factum est! At

Octo Orationum Symmachi deperditarum Partes deteguntur.

(1) Consule citatos paulo ante horum Auctorum locos prolixiores in Editionibus. (2) Symm. Epist. Lib. II. 31. (3) Lib. VIII. 69. (4) II. 18.

nunc demum hæc item inscitæ sordibus depressa scripta emergunt, et Symmachi eloquentia interclusa respirat. Huius enim præstantis viri octo Orationum partes mihi in Ambrosiano palimpsesto oblatae sunt, quarum quidem Orationum tres veluti *augustales* dicemus; priores enim duæ Valentiniani Senioris Augusti laudes complectuntur, tertia Gratiani Augusti. Quatuor pro privatis hominibus dictæ sunt, nempe pro ipso Oratoris Patre, pro Trygetio, pro Synesio, pro Severo. Una denique his veluti et augustalibus interiecta est, nempe laudatio in Patres conscriptos.

biani
ingu-
nen.

v. Atque ego de genere Symmachianæ eloquentiæ cum cogito, non possum equidem non ingenio primas concedere. Habet enim iste Orator flagrantiam quamdam mentis singularem, eaque fit ut altius sæpissime assurgat, quam ut communis dicendi facultas ad id aspirare queat. Rem in panegyricis acutissime videt, ex qua laus exsculpi potest. In nullo certe eius ætatis scriptore clariora lumina ingenii deprehendes. Nam et similitudines ex sideribus et gigantibus atque ex ipsis Numinibus petit, cum eum scilicet mentis impetus procul quodammodo a terra abripit, atque in medias laudes suorum Principum transvehit. Et in Valentiniani quidem laudationibus veram amplamque materiam sibi subiecit Symmachus. At in Gratiani pueri laudatione non tam rebus ipsis quam verbis ac pæne confictis ornamentis animus

auditoris tenendus erat. Itaque Orator in omne genus veluti poeticæ amplificationis excurrit. Idcirco autem præcipue ingenio acuminique suo indulsit Symmachus, quia plane adulandum erat, id quod tum optime fit, quum nihil mediocre proferas. Præterea in Principum panegyricis non approbationes solum, sed coronæ commotiones clamores plausus excitare debebat; laudatio autem usitata et vulgaris admiratione digna videri non solet. Erit igitur regula Symmachus, ad quam eorum dirigantur orationes, qui ingeniose et sublimiter volunt dicere. Immo, quantum ego opinione auguror, nonnullis potissimum gentibus hic placebit Orator, quas acutum sententiosumque delectat: genus enim eius eloquentiæ plerumque est admirabile. Atque in Symmacho hæc fere ingenii forma elucet.

vi. At idem vitiis aliquot suorum temporum haud carere videtur. Id ego ultro concedo. Quin ipse, quod magis interest, Auctor rem et in primis sensit et in quadam Epistola ⁽¹⁾ aperte his verbis confessus est.

Vitia aliquot
Symmachi.

SYMMACHVS NAVCELLIO.

Sumpsi pariter geminas litteras tuas, nestorea, ut ita dicam, manu scriptas, quarum sequi gravitatem laboro. Trahit enim nos usus temporis in argutias plausibilis sermonis. Quare æquius admitte linguam sæculi nostri, et deesse huic Epistolæ atticam sanitatem boni consule. Dignum

(1) Lib. III. 11.

est ut hæc ipsa apud te culpæ confessio prosit ad veniæ facilitatem. Quod si novitatis impatiens es, sume de foro arbitros, mihi an tibi sili venia poscenda sit. Crede, calculos plures merebor, non ex æquo et bono, sed quia plures vitiis communibus favent. Itaque, ut ipse nonnumquam prædicas, spectator veteris monetæ solus supersum: ceteros delinimenta aurium capiunt. Stet igitur inter nos ista pactio, ut me quidem iuvet vetustatis exemplar de autographo tuo sumere, te autem non pœniteat scriptorum meorum ferre novitatem. Quis reapse probet in altero Valentiniani panegyrico locum de fluminum deditione (1)? Quis in Gratiani laudibus comparisonem duorum pontium Tiberis et Rheni satis gravem et oratoriam existimet (2)? Sunt pauca præterea nimia Symmachi acumina, quæ commendationem ingenii nonnumquam subvertunt. Dum enim admirationem undique consecatur; dum de omnibus suorum Principum gestis sublata et amplifice studet dicere; dum stilo scriptorio prope scrutatur subiectam materiam, ut ubi commendabile nihil est, ibi laudis causam quærat; frangitur interdum dicentis subtilitas, aut exaggerata altius præconia sponte corruunt. Quamquam aperta vitia raro admodum in Symmacho invenias. Namque is plerumque eo tantum progreditur, ubi sana eloquentia versari potest: ita tamen, ut si aliquantum excesseris, te in deterius prolapsum statim sentias. Itaque non

(1) P. 20 - 21. (2) P. 35 - 36.

tam a nobis culpandus videtur Symmachus, quam diligenter cavendum, ne dum eius elaboratam ardentemque facundiam cupidius sectamur, in finitima vitia veniamus.

VII. Dixi de Symmachi ingenio eiusque usu plerumque optimo, interdum tamen, sed rarius, non probando. Nunc ut eiusdem elocutionem exornationemque commendem; mihi profecto ea videtur eiusmodi, ut novus Orator plane latinam eloquentiam locupletet. Numquam Symmachus incultam orationem vulgari sermone effert: pure, emendate, latine loquitur. Etsi autem nec fusum nec redundans adhibet genus, immo eum frequentiores moræ respirationesque delectant; tamen oratorio prorsus apparatu sese exornat Symmachus, atque ad artis regulas tum verborum structuram, tum sententiarum nexum constanter exigit, et omnino rationes omnes excolendæ orationis persequitur. Exemplis etiam ab historia romana græcaque desumptis argumentum illuminat; idque adeo perite et copiose facit, ut nihil illi non lectum, nihil non intellectum existimes. Est item a philosophia, a iure civili, a re politica, ab arte bellica, a lectione oratorum atque poetarum, ab omni-gena litteratura paratissimus. Quin et fabulas aliquoties a mythicis mutuatur, quod minus videbitur insolens, si reputabimus, ipsum Ciceronem in orationibus ad eiusmodi oblectationes non semel divertere. Denique delectandi amplificandive gratia a proposito quoque interdum

Symmachi
elocutio flo-
rida plerum-
que et gran-
dis.

egreditur. Pæne autem incredibile est quam tropis creber sit et distinctus Symmachus: exclamationem, apostrophem, contrapositum, prosopopeiam aptissime usurpat. Sed in eo nobilium sententiarum ornamenta maiora sunt: ut de Symmacho illud iure pronunciem, *quam multa! quam paucis!* Tam acutæ scilicet sunt eius sententiæ, tam densæ, tam graves, et vel inventione primæ, vel genere ipso singulares. In augustalibus igitur orationibus eloquentiâ utitur Symmachus panegyreos et pompæ et insigni quodam ornatu quasi gemmarum. Quod se studiose et data opera facere ipse Symmachus testis est in quadam Epistola ⁽¹⁾, in qua quum dixisset: *ut Domini nostri Gratiani fortissima simul ac felicissima manu nutantia reipondera fulciantur*; hæc addit: *Videor ne tibi πανηγυρικότερον locutus? sic se habet ratio, ut res maximæ magnos hiatus oris requirant*. Ceterum in aliis argumentis ita ingenio exsultantiæque dicendi moderatur Symmachus, ut rerum et personarum dignitates ferunt. Cum enim leviorum negotiorum oratiunculas scribit, se ipse consulto ad humilem quemdam et minutum stilum demittit. Ex quo facile conicias, siquando audacius Symmachianæ eloquentiæ flamma erumpit, id neque vitiosa licentia, neque insano fervore fieri: quandoquidem non imprudenter utitur Symmachus hoc genere sublimi et ornato, neque in omnibus causis.

(1) Lib. II. 47.

VIII. Tam eximia dicendi facultate præditus Symmachus, publicorum munerum luce carere non potuit. Generosa familia Romæ ortus ⁽¹⁾, in qua splendidissimæ dignitates sæpe floruerunt ⁽²⁾, maximum tamen ipse stirpis suæ decus fuit, atque innumeris honoribus saturatus est. Nam et quæstor fuit ⁽³⁾, et prætor ⁽⁴⁾, et Lucaniæ Bruttiorumque corrector ⁽⁵⁾: tum Africam pro consule rexit ⁽⁶⁾, qua in provincia statuas quoque virtutis ergo promeruit ⁽⁷⁾. *Æternæ* urbis præfecturam quieto eidem et iampridem a desideriis honorum remoto Valentinianus Iunior sponte detulit ⁽⁸⁾. Ordinarium quin etiam consulatum anno post Ch. N. cccxci. cum Tattiano gessit ⁽⁹⁾. Comes præterea ordinis tertii in antiqua inscriptione nuncupatur ⁽¹⁰⁾: et amplissimis legationibus ex senatus decreto ad Imperatores functus est ⁽¹¹⁾. Denique et ethnicorum Deorum, erga quos superstitione incredibili semper flagravat ⁽¹²⁾, pontificem maiorem egit ⁽¹³⁾: et romani senatus sine controversia princeps diu habitus est ⁽¹⁴⁾. Ita autem

Symmachii
magistratus
et ætas.

(1) Symmach. Epist. II. 52. iv. 9. V. 94. et 95. (2) iv. 60. (Vide et Inscriptionem Patri Oratoris positam apud Prudentium Arevali Tom. 2. p. 831.) (3) ix. 119. (4) viii. 14. (5) Cod. Theod. Lib. viii. Tit. 5. Leg. 25. (6) Idem Cod. Lib. xii. Tit. 1. Leg. 73. et Inscriptio apud Arevalum superius in hac Præfat. Cap. I. laudata, quæ et ceteras Symmachii dignitates complectitur. (7) Symmach. Epist. Lib. ix. 115. (8) x. 22. (9) ix. 130. et Fasti. (10) Inscript. cit. apud Arevalum. (11) Symmach. Epist. iv. 9. v. 94. (12) Vide Prudentium in Symmach. Lib. I. v. 626. etc. (13) Symmach. Epist. I. 47. et Inscript. apud Arevalum. (14) Nicephorus Callistus Hist. xii. 21. Socrates Hist. v. 14. Symmach. Epist. iv. 18.

diu vixit, ut plurium imperatorum ætatibus implicitus sit, diu etiam multumque in causis versatus. Et postremis quidem Constantii imperantis annis egregia ad eloquentiam indoles in adolescente Symmacho iam virescebat. Lucius enim Avianius Symmachus pater Antiochiam circa id tempus legatus ad Constantium profectus ⁽¹⁾, multa de filii præclara expectatione cum Libanio est collocutus ⁽²⁾. Ab inito autem Valentiniani Senioris imperio adusque Arcadium Honoriumque Augustos cum ingenti semper laude forum curiamque frequentavit. Anno certe post Ch. N. cccxc. adhuc vivebat Symmachus, quoniam Epistolâ Libri quinti decimâ gratulatur Theodoro adeptum consulatum, quem hic eo anno gessit. Symmachum non excessisse Christi annum cccxcv. censebat Iacobus Gothofredus in eius vita ⁽³⁾. Sed enim hoc eodem anno concinnatum esse poema adversus Symmachum a Prudentio proximoque anno editum existimat magnus Arevalus in Prudentianis ⁽⁴⁾. Quum autem adversus viventem Symmachum Prudentius scripserit, sequitur ut Symmachi vita paulo ultra Gothofredi sententiam extendenda esse videatur. Immo quum superius dixerimus, Symmachum plane adolescentem fuisse extremis Constantii temporibus, id est circa annum ccclx.; ipse autem Symmachus in octava

(1) Ammianus Marcellinus **xxi.** 12. (2) Libanius *Epist.* 9a3. (3) In fine. (4) N.º 54.

decima Epistola Libri quarti se in senium vergere narret: *Tantum abest, ut hæc annis in senium vergentibus velim, Candidior postquam tondenti barba cadebat*; superest ut non immerito suspicemur, Oratorem nostrum adusque Christi annum circiter ccccx. vitam fortassis produxisse.

ix. Age vero palimpsestus, ex quo novum Oratorem expressimus qui fuerit, quantæque vetustatis iudicandus sit, specimen cusum docebit. Ea nimirum scriptura medio sæculo sexto senior esse non potest: præsertim quum subsit Chalcedonensi Concilio, quod non semel affirmavi ⁽¹⁾ sæculo vii. aut viii. in nostro Codice fuisse exaratum. Habemus igitur Symmachi Orationes, et quidem e membranis vix uno fere sæculo post obitum Oratoris scriptis. Denique, præter octo Orationes, quibus Symmachi nomen diserte inscriptum est, aliud etiam Fragmentum laudationis cuiusdam, ut videtur, ex unico folio alius Codicis æque ferme antiqui proferimus: de quo Scripto quidquid nobis visum est, in Monito ei præposito breviter docuimus.

x. En itaque pæne extremum in Symmacho romanæ eloquentiæ spiritum, quo demum extincto, studia hæc in barbariæ quamdam tætriorē noctem inciderunt. Quod si quis adhuc eloquentiæ laude aliqua deinceps floruit, is in primis ad Symmachiana exemplaria respexisse videtur. Testis luculentus Ennodius, qui Panegyricum,

De Symmachiani palimpsesti ætate. Item de Fragmento anonymo.

Symmachus latinorum oratorum ætate prope notum commendatur Mediolanensibus.

(1) Ad Interpretem Ciceronis Dissert. præv. Cap. xiv. p. 30. Item ad Frontonem Comm. præv. Part. ii. Cap. xi. p. 103.

quem Theoderico regi dixit, adornans, plagiarii prope ritu, Symmachi Laudes in Valentinianum Seniores imitatus est: quod nunc primum ex nostra Symmachi Editione cognoscitur. Ceterum belle contingit, ut Mediolani prodeat in lucem Symmachus, ad quam urbem et eum non semel ventitasse constat ⁽¹⁾, et in eadem versatum ⁽²⁾. Quin et eloquentiâ suâ Symmachum Mediolanensium aures demulsisse opinor, vel cum huc ad illustrem quemdam consulatum præsentia sua cohonestandum vocatus venit ⁽³⁾, vel certe cum missus a romano senatu ad Principis opem exorandam huc se iterum contulit ⁽⁴⁾. Insigni præterea beneficio Mediolanenses olim affecit romanæ urbis præfectus Symmachus, cum Augustinum, clarissimum Africæ lumen, rhetoricæ artis magistrum ad illos misit ⁽⁵⁾. Excipe igitur, nobilissima et doctissima urbs Mediolanum, excipe inquam debita cum admiratione Symmachum, quem etiam divus ille parens tuus Ambrosius, non secus ac Tullium Hortensius, maximum æmulum in eloquentiæ curriculo expertus est ⁽⁶⁾.

(1) Epist. Symmach. vii. 13. 14. 72. (2) iv. 49.

(3) iv. 31. Videtur autem is fuisse consulatus iv. Valentiniani Iunioris, qui incidit in annum cccxc. (4) v. 95. (5) Augustin. Confess. Lib. v. 13.

(6) Vide ad Symmachi Relationem pro ara Victoris Responsum utramque Ambrosii Valentiniano Inn. Aug. oblatam, et tertiam Eugenio item Augusto.

LAUDVM PRIORVM
IN VALENTINIANVM
SENIOREM AVGVSTVM

ARGVMENTVM

*H*Ac priore acephala Laudatione commemorat primum Symmachus Valentiniani pueritiam, qui in pluribus mundi plagis cum Gratiano parente apud exercitum versatus est. Tum eiusdem Valentiniani ad imperium evectionem celebrat, rursusque meminit Gratiani parentis et Gratiani etiam a Valentiniano geniti, qui admodum puer Augustus creatus est. Pergit deinde Orator ad laudandum Valentiniani liberulem animum, qui summum imperium cum Valente fratre statim communicavit: cui quum Orientis regiones moderandas commisisset, ipse in Gallias ad continendas Germanorum irruptiones se recepit: ibidemque sub pellibus, barbaro in agro, cœloque inclementi tuendi imperii causa diu versatus est. Interim rebelles in Oriente motus (duce nempe Procopio) exstitisse ait Orator, qui quum citius reprimi possent a coniunctis utriusque Imperatoris viribus, noluit tamen Valentinianus, rebus Germanicæ nondum compositis, in Orientem signa transferre. Adlocutiones etiam innuuntur, quibus exercitum suum Valentinianus ad bellum potius Germanicum quam civile persequendum hortatus est. Tum et ipse Valens breviter commendatur, qui parta de perduellibus victoria non est crudeliter usus. Laudatur denique civilis administratio Valentiniani, qui fugato ambitu dignitates virtuti tribuendas curabat, ac mira concordia togatos magistratus cum sagatis ordinibus implicuerat.

Plane autem mihi persuadeo hanc priorem Laudationem dictam esse a Symmacho in primo lustro imperialium Valentiniani annorum. Nam lustrum quidem peractum memorat infra Orator. Id autem contigit anno post Ch. N. ccclxviii. in secundo Valentiniani consulatu. Iam Laudationem alteram (quam mox addemus) recitavit Symmachus in Valentiniani consulatu tertio (ut ex ea lecta patet) id est anno Ch. ccclxx.; sequitur ergo ut priorem recitaverit anno vel ccclxviii. vel ccclxix. Sed illud probabilius propter quinquennialium celebritatem et ipsum Augusti secundum consulatum. Accedit, quod apud Græcos Themistius in quinquennialibus Valentis, anno nempe eodem ccclxviii., recitavit Marcianopoli eam Orationem quæ in Editione Harduiniana octavum locum obtinet. Eadem igitur de causa eodemque anno apud Latinos Symmachum in castris Gallicis recitasse hanc Laudationem coram Valentiniano censeo. Erat autem eo anno plane Iuvenis Symmachus, quod constat ex dictis in Præfatione, et ex Ausonio (in Epistolis Symmachianis Lib. I. 32.) qui ait Symmachum secutum esse tyronem castra et quidem, ut docebit Laudatio altera, Valentiniani. Quare et Oratio iuvenili vigore exsultat et floret.

·Q· AVRELII SVMMACHI ⁽¹⁾ ·V·C·

LA VDES

IN VALENTINIANVM SENIOREM AVGVSTVM I. ⁽²⁾

....I. **I**TEM totius orbis estis indegenæ (a); alibi fructum lucis, alibi usum laboris indepti. An non ipsam quoque Africam iure patriam tuam dixerim, quæ te prima in contubernio parentis edocuit (3) qualis (b) princeps esse deberes (c)? Nec umquam te existimes aliis militasse futurus Augustus. Sibi

(a) Ita Cod. *indegenæ*. Est autem singularis scriptura nostri Codicis, et mira litterarum præsertim vocalium inter se commutatio. Ea nobis paleographia nunc retinenda in textu, nunc ad notas relicienda videbatur. (b) Cod. *qualis*. (c) Cod. *deberis*.

(1) In Codice scribitur sæpe *Summaci*, raro *Summachi*. Nos tamen emendatiorem lectionem eligimus. Numquam vero scribitur in Codice *Symmachi*.

(2) Ita in Codice apponitur nota numeralis non vocabulo *Laudes*, sed huic loco: et tamen ad illud vocabulum nota pertinet, nempe *Laudes priores*. Illud etiam moneo, capita scilicet Orationis carere quidem in Codice nota numerali, sed tamen relicto ampliare spatium satis indicari.

(3) Gratianus Valentiniani pater post dignitatem Protectoris atque Tribuni (ut ait Ammianus Marcellinus lib. xxx. cap. 7.) Comes præfuit rei castrensi per Africam. Iam Valentinianum pluribus versatum in bellis ante initum imperium narrat Zosimus Hist. iii. sub finem. Meruisse in Gallia sub Constantio et Ioviano testis est item Ammianus xvi. 11. xxv. 10. Contra Persas autem ab eodem Constantio missum ait Philostorgius vii. 7.

quæsiuit quidquid ante defendit, servavit (a) tenera ætas quod regeret matura felicitas. Ibi primum tolerans solis et pulveris esse didicisti (b), cuius dum cunabula Illyriæ nives texerant (c), qui cæsam glaciem paulo ante potaveras. Ita veluti ad alia elementa translatus arentis Libyæ (c) sitim patientia (d) temperabas. Prosus (e) quasi ad (f) ipsius mundi gubernacula destinatus, mutando varias cæli plagas usum tibi omnium cardinum vindicasti. Merito non potest hodie obesse provinciis tam longa absentia tua, quas tuetur prima notitia (g). Similior (h) Princeps est Deo pariter universa cernenti, qui cunctas partes novit imperii.

II. " Si litteras, inquit Tullius (a), græcas Athenis non Lilybei (i), latinas Romæ non in Sicilia " didicisses "; videlicet ex locorum ingeniis adprobans ea nescire Cæcilium, quæ eum dicit ubi innata non erant adsecutum. Sola est enim disciplinarum magistra natura regionum. Tibi ardores Getuliæ æstivam consuetudinem: tibi Illyriæ pruinæ brumalis horroris (k) tolerantiam tradiderunt: genitus in frigoribus educatus in solibus, ante fortunæ munera totius mundi exempla sumpsisti. Quare seu in Æthiopas atque Indos, contra externum militem solo calore munitos, felicia signa contuleris; frustra ad æstuantes recessus ac torrida astra confugient. Cito enim terrarum talium dominus eris, qui vim

(a) Cod. *servabit*, b pro v. (b) Cod. *didicisti*. (c) Cod. *Lybiæ*. (d) Cod. *patientiam*. (e) Cod. *Prosius*, tum factum *prosius* antiquâ orthographiâ pro *prosius*. (f) Cod. *ab*. (g) Cod. *notitia*. (h) Cod. videtur habere *similior* aut *similiter*. (i) Ita Cod. *Lilybei*. (k) Cod. *errores*.

(1) Valentinianus natus creditur apud Cibalas, quod dicunt Pannoniæ oppidum Ammianus xxx. 7. aliique, sed a Synmacho tribui videtur Illyriæ.

(2) *Divin. in Ferr. xii.*

siderum non timebis. Seu in Scythia regna frigentia Tanainque glaciale fines Ponticos proferre censueris, ibi quoque naturam patriæ recognoscens, fugaces incolas per dorsa fluminum consequeris. Vicisti experientiam singulorum qui habes omnium. Privatæ hoc industriæ tuæ debeo quo die dignum reddidit principatum. Cum tantum munus acceperis ut nihil tibi possit adici, tantum meriti pertulisti, ut nullum præmium tibi debeat inputari.

III. Meruisti quondam, inclute Gratiane (1), meruisti ut de te sacra germina pullularent, ut esses seminarium principatus, ut fieres (a) vena regalis. Erudisti liberos, parentes omnium mox futuros: in quos tantum frugis bonæ institutio privata congestit, ut fortuna hodie clarior nil requirat. Hinc factum est, quod primævum Nepotem (2) castrensia decreta legerunt. Cum familiæ vestræ natura promitteret, ut cantela patris in puero nil timeret, cur tardaret ætas quem tot exempla generis adsehebant (3)? Præiudicata bona in examen vocare *non interest*
 incredibili providentia utrumque

(a) Cod. *feris*, ut paulo ante *deberis*.

(1) Gratianus Senior, etsi ignobili stirpe ortus, singulari tamen corporis robore et militaribus gestis viam sibi ad magnos honores munivit: eiusque existimatio plurimum valuit ad Valentinianum filium, qui deinde fuit Augustus, apud Principes et exercitus commendandum. Am. xxx. 7.

(2) Gratianum Iuniorem Valentiniani primogenitum ex Valeria Severa coniuge, quem pater octennem renunciavit Augustum in castris apud Ambianos.

(3) Nempe avi et patris.

complexus, ne aut in uno spes staret imperii, aut in duobus esset causa certandi (1).

IV. Huc accedit quod cum duo sint in imperio gradus (2), ilico in Germanum et pariter contulisti, quod noveras bis posse præstari. Adeo ne gratiam quidem captas, ut a perfectis beneficiis semper incipias. Exigui animi vices munerum partiuntur, tua liberalitas desideriis nihil reliquit: maximeque in Imperatorem faciendo magnitudinem regiæ largitatis minui crededisti (a), si cum inasperata concederes, adhuc speranda differres (b). Ergo Augustum pari iure confirmas. Curasti ne umquam tibi suspectus esset, cui non reliquisti quod ultra optare deberet.

V. Hinc plerique principum, quos secundos creaverant, quasi æmulos mox timebant. Urget enim potissimum expectatio proximorum: semperque similis invidenti est, cui superest quod requirat. Nec istud nimium gratiosa aut populari festinatione fecisti: iamdudum cuncta expertus in Fratre quæ diu explorantur in Cæsarem. Dubitaretur de iudicio tuo, nisi ab inmodicis inchoasses. Statim perspeximus qualem Principem legeres, postquam cognovimus quod nihil tibi quasi sollicitus reservares.

VI. Siqua inter cognatas Cælitum potestates huiusmodi esset æquatio, paribus cum sole luminibus

(a) Ita Cod. *crededisti*. (b) Cod. *differis*.

(1) Quum Valentinianus adigeretur ab exercitu ad socium imperii deligendum, deliberavit num extraneum an Fratrem Valentem sibi sociaret (Am. xxvi. 2. et 4.). Fratrem autem præoptavit: sic enim nec in uno spes staret imperii, nec in duobus esset causa certandi.

(a) Nempe Cæsaris et Augusti.

globus sororis (a) arderet: nec radiis fratris obnoxia precarium (b) raperet luna fulgorem. Iisdem curriculis utrumque sidus emergeret, pari exortu diem germana renovaret, per easdem cæli lineas laberetur: nec menstruo pigra discursu aut in senescendo (c) varias mutaret effigies (d), aut in renascendo parvas pateretur ætates. Ecce formam beneficii tui astra nesciunt æmulari: illis nihil est in mundana luce consimile, vobis totum est in orbe commune.

VII. Nondum adulta rerum a te gestarum profano monumenta. Iam cedo primitus faciam quod usuvenire nobis in prolixo itinere solet, ubi qui ad destinata (e) properant non omnes obvios consalutant. Ergo in duas curas dividis orbis excubias: invictum Fratrem reliquens Orienti, ipse supra inpacati Rheni semibarbaras ripas raptim vexilla (f) constituens, et provincias luxu superiorum deditas veteris ignaviæ pudore defendens, Princeps creatus ad difficilem militiam revertisti. Statim itinera, statim proelia (i): et primus in aciem purpuratus, et regalis aula sub pellibus, somnus sub cælo, potus e fluvio, tribunal in campo. Hæc imperio quidem nova, sed tibi cognita. Docuisti magis fortunam regiam quid virum facere conveniret, quam didicisti ab ea quid imperatores ante fecissent.

(a) Cod. *sorores*. (b) Cod. *præcarium*. Et quidem *precor* cum derivatis constanter scriptum vidi cum diphthongo in antiquissimis mss. (c) Cod. hic *renascendo* et mox *senescendo*, quæ mihi invertenda visa sunt. (d) Cod. *effigies*. (e) Cod. *destinata*. (f) Cod. *vexillas*, et inferius *vexilla*.

(i) Valentiniano nuper ad imperium evecto, Alamanni bellum Gallicis Romanorum provinciis intulerunt, quod sui legati vilibus donis affecti fuissent, et ab Ursacio officiorum magistro superbius appellati. Am. xxvi. 5.

VIII. An exiguum virtutis et patientiæ tuæ specimen arbitraris, quod rerum summa fastigia et romani nominis apicem consecutus inter tot provincias partim situ amœnas, partim pace iucundas, aut urbium maiestate mirabilis, aut populorum copiis redundantes, sedem quodammodo in ea parte posuisti qua totius reipublicæ ruina vergebat (1)? Tales sibi terras eligunt qui ut subveniant eliguntur. Nondum degustatis imperii bonis, solas difficultates de honore sortiris. Tandiu non tenerent Galliæ, si placerent.

IX. Iactet se Punicis Africanus exuviis, sed diu in Sicilia palliatus erravit (2). Mithridaticis (a) spoliis Lucullus exultet, sed diu in Pontico luxu pæne victor languit (3). Orientis tropea (b) ostendet Antonius, sed inter Ægyptias tædas regio amoris diffudit insano (4). Illi triumphalis (c) viri, delicatis (d) negotiis frequentibus occupati, amœna litorum terrarumque opima sectantes. Vis petam proximæ ætatis exempla? Ecce Baias sibi Augustus a continuo mari

(a) Cod. *Mithridaticis*. (b) Ita Cod. sine diphthongo *tropæa*. (c) Ita Cod. *triumphalis* et *max triumphum*. (d) Cod. *delicatis*.

(1) Symmachus imitatur Ciceronem, qui eadem de C. Iulio Cæsare in Galliis degente ait. *Orat. de Prov. cons.* XII.

(2) P. Scipio qui cognomine Africani maioris insignitus fuit, quum exercitum in Africam traiciendum diutius in Sicilia instruere videretur, diffamatus Romæ est, tamquam is cum militibus luxuriaretur. » Ipsius » (inquit Livius XXIX. 19.) imperatoris non romanus modo sed ne » militaris quidem cultus iactabatur: cum pallio crepidisque inambulans » lare in gymnasio etc. »

(3) Lucullum item incusatum a senatu quod Mithridaticum bellum diutius iusto protrahere, eiusque exercitum publica auctoritate solutum narrat Appianus *Bell. Mithr.* Cap. 90.

(4) Apud Cleopatram.

vindicat, et molibus Lucrinis sumptus laborat imperii (1). Tiberius in devorsoriis insularum (2) natans et navigans adoratur. Pius otia Caietana persequitur (3). In Lycio (a) et Academia remissior Marcus auditur (4). Tibi nullæ sunt feriæ præliorum: maximeque hoc in Galliis delegisti, quod hic non licet otari. Tibi nulla necessitas remittit indutias. Lustrum imperialium condis annorum (5) ubi cælo et terris horror æqualis est, sub crassa nube, iugi frigore, feroci hoste, latissima vastitate. Quietem tibi negas, quam ceteris præstas. Inter tot milia laurearum nondum digrederis ad triumphum: et cum sis maior Augustis delegisti tibi provinciam de qua Cæsares querebantur.

X. Et tu quidem bellico intentus operi dudum ferocis Alamanniæ terga vertebas. Sed parte alia fraterni imperii liberam pacem rebellis Exul inruerat (6). Quod cum ad te primum pernices nuntii et

(a) Ita Cod. pro *Lycio* habet *Lycia*, uti Gellius xx. 5.

(1) Augustus (inquit Svetonius Cap. 16.) » portum Iulium apud » Baias, immisso in Lucrinum et Avernum lacum mari, effecit ».

(2) Neme Capreis.

(3) Pii rusticationes memorat non semel Capitolinus in eius vita. Quin et inter eius opera Caietæ portum recenset p. 28. D. Edit. Paris. 1603.

(4) Singulare M. Aurelii philosophandi studium notius est, quam ut documentis indigeat.

(5) De primo lustro seu quinquennialibus Valentiniani recole Argumentum.

(6) Procopius Ciliæ, Iuliani imperatoris propinquus, post huius fata primum a Ioviano copiam impetravit ad suos lares secedendi. Mox a Valentiniano et Valente imperatoribus exagitatus, usque in Tauricam Chersonesum exul profugit (Zosim. iv.). Tum et de fide incolarum eius loci addubitans, Constantinopolim clam venit, ubi rebellionem conflata imperatorem se dixit anno Ch. cccxv. Sed anno sequente a Valente oppressus pœnas sceleris luit.

fideles litteræ pertulerunt, quis non congruum iudicavit ut a cæde barbarica in facinus civile arma torqueres?

XI. At tu reip. plus timebas: et inter duas causas hinc intestinam (a) inde finitimam, malebas potentia tua interim frui æmulum, quam longa impunitate vicinum. Nec ita turpe duxisti plures tecum esse principes, quam terras imperii breviores. Frustra tuuc tibi perduellis motus optavit Alamannia, cui tantum miseriam invexit conflictus tuus, quantum proeliis debebatur ambobus. Probasti animum constantissimi ducis (b) minus tibi consulendo quam ceteris. Tutior aput te fuit tuus, quam noster inimicus (c). Non uno igitur beneficio Gallias obligasti quibus pariter a te utrumque delatum est, et sui periculi cura et tui negligentia (1).

XII. Quid ipsas contiones tuas et humanis sensibus celsiora retexo conloquia? Huc, inquis (d), fidissimi commilitones adversum truces populos et Rheni feroces indegenas vexilla conferte: hic communis hostis (e) est, ille privatus: prima victoriæ publicæ, secunda vindictæ meæ causa est (2): alio bello petitur nostra dignitas, hoc vestra possessio. Quid plura? contra te suadendo vicisti: tantumque valuit auctoritas tua, ut dissimularetur iniuria. Putasses

(a) Cod. *hi ostentinam*. (b) Cod. *duces*. (c) Cod. *inimicos* vetere item orthographia. (d) Cod. *inquid*. (e) Cod. *hostes*.

(1) Gallie nobiles urbes legationibus missis Valentinianum, quominus in Orientem adversus Procopium pergeret, exoraverunt: quod si fecisset, Gallia Germanorum incursibus patuisset. Am. xxvi. 5.

(2) Valentinianus (inquit Ammianus loc. cit.) » replicabat aliquoties, hostem suum Fratrique solius esse Procopium; Alamannos vero » totius orbis romani: statuitque nusquam interim extra confinia moveri » Gallorum ».

præceptum tuum parvi habitum, siquis te vindicaret invitum. Quisquam ne neglectum sui postulat, et devotionem putat si se nemo defendat? En animus maior imperio, sub quo maiestas negligitur (a), et eruptio vindicatur.

XIII. Quid quod vis ista naturæ est, ut ea sint unicuique ad sensum doloris prima quæ propria? nec quisquam, se ipso iudice, inpune lædatur? Tu in casibus tuis clemens, severus in publicis, turpe existimas Principi motus odii habere privati. Merito ergo a nobis amplius amaris, quia pro te minus irasceris. Nescis uti regia manu contra domesticas simultates. Si erubescis tuas iniurias ultum ire, audi, Imperator, quod te acuat: nostri inimici sunt qui rebellant.

XIV. Sed illius Latronis iustus occasus venerandi Fratris tui laudibus cum ceteris Orientis adoreis reservetur. Unum tamen hoc prælibasse sufficiet: cum diu anceps bellum fuerit, sic victoriæ moderatus est, quasi contra se nemo pugnaret (1).

XV. O mira inter vos similitudo pietatis! Tu nescis civile certamen adripere, ille non potest vindicare. Quamquam illa dissimulatio tua non caret honore Germani: satis idoneus tibi ad vincendum visus est, cui auxilium non tulisti: in magna fiducia minor cura est. Merito illi captivus Rebellis

(a) Cod. negligetur.

(1) Valentem clementer victoria usum aiunt oratores Symmachus, et Themistius Orat. vii. nec non Libanius in vita propria Edit. Morell. T. 2. Orat. I. p. 55-56. Sed contradicunt aperte Historici Ammianus xxvi. 9-10. Zosimus iv.

in deditionem datus est, merito Usurpator tanti nominis oblatus ad poenam (1). Consilio quippe tui numinis (a) factum est, ut imperio iudicaretur indignissimus, qui ne hoc quidem meruit, ut ei videris infensus.

XVI. Inter has belli artes externosque procinctus, et semper de hostibus novis novas (b) laureas, civilium rerum nulla cessatio (2). Possum dicere fugato ambitu virtuti redditas dignitates: nec iam ad honorum infulas opibus viam patere, sed moribus (3). Castrorum curiæque parem nunc esse fortunam, cum videas prætorianas cohortes parere nobilibus, et ante emeritos (c) duces urbana insignia gestare lictores. Togas paludamentis sæpe mutamus, armatis trabeas frequenter induimus humeris

Reliqua desiderantur.

(a) Cod. *nominis*. (b) Cod. *novas* bis: quod vel frustra geminatum fuit, vel certe corruptum. (c) Cod. *emeritus*.

(1) Procopius a suis proditus et Valenti oblatus capite truncatus est. Am. loc. cit.

(2) Videtur Symmachus perorare: sic enim fere concludit et alteram Laudationem.

(3) Ab Ammiano xxx. 9. dicitur Valentinianus scrupulosus in defendendis potestatibus celsis: nec, imperante eo, provinciam a nummulario rectam, aut administrationem venundatam.

LAUDVM POSTERIORVM
 IN VALENTINIANVM
 SENIOREM AVGVSTVM
 ARGVMENTVM

CELEBRAT Orator in primis tertii consulatus honorem a Valentiniano Augusto initum. Pergit deinde ad bellica eiusdem Augusti gesta, cuius auspicio Rhenum multis munimentis coronatum et navali ponte iunctum, Nigrum a castris romanis submotum, portumque fluviatilem effectum ait: barbaros vero populos alios praeliis fusos, alios pace et foederibus conciliatos. Denique etiam eloquentiam foro redditam ab Augusto gratulatur: tum quod Gratianum puerum imperii socium sibi Valentinianus adsciverit, id ab Oratore ingeniose et luculenter ornatur.

Q. AVRELII SVMMACHI .V.C.

LAVDES

IN VALENTINIANVM SENIOREM

AVGVSTVM II.

.... I. solvitur pro labore. Fastidium te forsitan caperet (a) iterati præmii et sæpe repetendi, nisi nobis consuleres ne videamur ingrati. Honor tibi summus in viribus est, honor plenus in moribus (1). Tuas veras secures non lictorum umeri (b) sed cervices gentium ferunt. Reges decreta custodiunt. Castella pro fascibus eriguntur. Tu inter obsides victoris iure disceptans: nam iubens ire quos reddis, et redire quos suscipis. Ambiat licet sacros umeros gemmarum cohærentium velamen opulentum (c), et trabeam consularem discolora sarta prætexant; ille tamen ornatus insignior est quem Rhénus meruit, quem limes accepit (2). Beneficia tua devotione mulcere reipublicæ (3). Quæ sumis annua sunt, quæ condis æterna.

(a) Codex *seaperet*. (b) Ita Cod. sine adspirata quod vidimus non semel etiam in Frontone. (c) Cod. *oputulentum*, tum emendatum *opitulentum*: nos damus *opulentum*.

(1) Gloriosum Valentiniiani moribus dat testimonium Ammianus xxx. 9. his verbis: » Omni pudicitie cultu domi castus et foris, nullo » contagio conscientie violatus obscenæ, nihil incestum: hancque ob » causam tamquam retinaculis petulantiam frenarat aulae regalis ». Eundem ibidem dicit corpore lacertoso et valido.

(2) Valentinianus dicitur ab Ammiano loc. cit. oppidorum et limitum conditor tempestivus. Tum xxix. 6. studio muniendorum limitum flagrans.

(3) Nempe sententia videtur: *Reipublicæ est tua beneficia devotione mulcere*.

II. Nolumus, invicte Moderator, tantis negotiis parem non esse mercedem. Idem tibi præmium plerumque decernitur, cum a te diversa præstentur. Si non congruit meritis quod solutum est, honor vincitur non voluntas. Nam quid tibi adicit consularius (a), cum felices (b) annos imperii tui de ætatibus novarum urbium calculemus (1)? Aliorum tempora fastis numerata sunt, vestra victoriis. Hoc unum tamen rite curavimus, ut in oppidis nuper erectis primum discerent consulem conditorem.

III. Inauguremtur (c) inclutis triumphalia castra nominibus (2). Fuit evidens causa, qua fasces sumere tertio cogereris: etenim ne magistratus romanos proxime adiuncta terra respueret, ab eo sumptum est principium, qui timetur (3). Nihil ante prioribus (d) gestis, Auguste, decerpimus. Si recentia sola repetamus, stupeo. Non minus illa sunt quæ comperi, sed hæc magis diligo quæ probavi. Adque (e) utinam modicum ingenii mei saltem nota commendem (f)! Adempta mihi est honesta defensio: quæ ipse non videram, venia maiore laudabam. Quisquis arcana naturæ scrutari postulat, te sequatur. Non fluminum

(a) Cod. *comolatus*. (b) Cod. *filices*. (c) Ita Cod. cum *m* pro *n*. (d) Ita Cod. *ante prioribus*. (e) Ita Cod. *adque*. (f) Ita *promus* se habet locus in Codice.

(1) Turres seu castella in limite imperii quotannis condi iubet Valentinianus lege 13. tit. 1. lib. xv. Cod. Theod.

(2) Faciunt fortasse ad hunc locum ea quæ dicit Interpres a me editus ad Orationem Tullii *pro Scauro* (Editionis meæ p. 6.) de more apud Antiquos etiam ex nominibus, præsertim belli tempore, auspicia sumendi. Videlicet utriusque Augusti Valentiniani et Valentis nomina commoda erant ad omen.

(3) Ammianus xxx. 8. ait. » Ideo Valentinianus merito timebatur, » quod et exercitus auxit valido supplemento, et utrobique Rhenum » celsioribus castris munivit atque castellis ».

mestibus, non obiectu montium, non itinerum errore tardabitur. Omnia adversum barbaros patent, quæ sunt munita pro nobis. Scit bicornis iste vicinus succumbendum (a) esse rostratis, ne ei necesse sit viam præbere vestigiis. Cui possibile est fluenta contegere (b), ludus est navigare. Nec arduis locorum obicibus impedimur. Testis est hæc ipsa ripa barbariæ, cui altitudo nomen inposuit (1), imis summa cecidisse, ascendentem fugere nuper exercitum, qui occurrere per plana potuerunt. Et tu quidem bello vincere maluisses; sed gloriosius factum est, ut ferox natio videret Alamannia

IV. Nec op . . . civitatibus obsidentur. Verum est quod sæpe n . . . credidi otium locis . . . haberi . . . qualem te, inhospita regio, nuper invenimus. Ignaras vetustatis arb(ores) . . regeis (c) domibus teneretis herb. indecoram probes tibi exprobro quod victa es tum . . . ciis . . . mtus pingeris felicior Principi meo . . unt quam repetunt . . hæc quæ . . . er adiunxit, conferantur int . . . patet illuc . . . ncet hæc defensa quæ capta sunt. Audite quæ vera ads . . . gesta nescitis sponte . . . tenda et novos conser . . . nis ad . . . credo . . . quæ . . . graviora. Superat omnem fidem (prope)modum qui contra huiusmodi præstat officium. O pulchra admodum pompa fortunæ! Servitus misera quodam . . . ruebat. Prospexerant forte finitimi, ne quod sibi

(a) Ita Cod. cum n pro m. (b) Cod. contengere. (c) Ita Cod. pro regis vel reges.

(1) Altaripa oppidum Nemetum et præsidium ad Rhenum prope Nigri (seu Nicri) confluentem. Hoc in oppido, anno certe ante hunc panegyricum recitatum, versabatur Valentinianus: ex eo enim emisit legem 4. tit. 31. lib. xi. Cod. Theod., cui legi ita subscriptum *Dat. XII^{te} Kal. Iul. Altaripa, Valentiniano Nobili Puero et Victore Cons.*

relinqueretur, instaurare (a) victor optaret. Urebant consciam latrocinii nationem quondam romanæ coloniae antiqua vestigia, et tituli sceleris proditores. Obsequio reddidit quod norat gladiis vindicandum. Quæri . . . animus victoris apparuit receptæ urbis reliquias transferentis. Ostendit enim se potuisse reparare quæ licebat evehere. Familiare est magnis animis repudiare compendia. Incaute positam civitatem probat amissio (1). Ex . . . eam solvimus . . . eram conderemus antiquatas urb . . . runt . . . rpite nam . . . sare . . . neglegenter facta cor . . . conditionem venit ad . . . ra mittere fateretur se nostra tenuisse.

V. C(unc)ta Gotysiorum (quam vincis) glæbis . . . vena opulentus in(pert)it . . . in ve . . . cet exempli . . . eorum arma populo ter . . . ta est. Nec otiosos ospites (b) . . . us ambitum definitum aut . . . (extre)mitas compulit breve spatium postulari; sed quo magis fieret turre commercium. Didus circumcisi tergoris ausit dedecus emptionis; tibi succumbunt regna, non veneunt. Nec urbium tuarum fata trutinata sunt. Sic omnia ingrederis, quasi ad propria revertaris. Non ferro pellimur, non auro, aut ære fraudamur. Idem metus avaritiam coerces hostis, qui conpescit audaciam. Sublata fiducia certaminis nullus locus est pactionis. Æstimet tibi terras (suas) barbarus, si audet obsistere. *Magnum a te munus sumit Alamannia, quod nonnulla interim relinquis intacta.*

(a) Cod. *instauraret*. (b) Ita Cod. sine adspiratione.

(1) Confer Ammianum xxviii. 2. Fortasse enim innuit Symmachus munimentum, cuius constructionem trans Rhenum a Valentiniano imperatam, barbari, cæsis romanis militibus, impediverunt.

VI. Invideant novis mœnibus ceteræ civitates, quas manus designavere privatæ: siquæ sunt cognitionis (a) principalis, livore æmulò mordeantur. Habent conditores inclutos; nãmquid artificis ipsos? Interfui (1), Auguste venerabilis, cum positis armis fundamenta describeres et felicem dexteram fabrilibus (laboribus) occupares. Hinc ego oppidis tuis perennem promitto fortunam. Quæ Deo proximus auspicatur, æterna sunt. Hactenus Syracusani Archimedis stetit gloria: docuit namque exitus nihil valuisse pro civibus commenta prudentis (2). Qui nequivit clausa protegere, quando potuisset aperta munire? Peritius urbes construunt qui tuentur. Sed quid (b) prius mirer, ignoro. Ceteris (c) ab usu (d) fabricationis te solum scisse quid conderes? An sub te uno magistro omnis ilico qui aderant institutos? Nullus inde abiit in... prudens prætereo quod aliis... curantibus... lis aut imbrinum ingentium tælia pertulisti. Quanto tibi (libet) ... semper otio vindicata solos opibus vexillis adduxit exercitum et ore ... Dedalus (e) grassatorem Cecropiæ (3) nobili (cavea) inclusit. Quid expectavit Alamannia... in totus exercitus et mancipare no... et claudere?

(a) Ita Cod. *cognitionis*. (b) Cod. *quid*. (c) Ita Cod. *ceteris*, nisi *maius ceteros*. (d) *Nisi maius legere abum*. (e) Ita Cod. sine diphthongo.

(1) Symmachum secutum esse castra tyronem diximus in Argumento prioris Laudationis. Heic autem ipse ait se interfuisse, quum Valentinianus oppida, in limite nimirum Rheni, construeret.

(2) De machinis quibus Archimedes diu adversus Marcellum Syracusas defendit vide Polybium viii. et Livium xxiv. 34.

(3) Catullus in Carmine LXIII. v. 78-79. ait:

*Electos iuvenes simul et decus innuptarum
Cecropiam solitam esse dapem dare Minotauris.*

VII. In quod periculum... prolapsus est? Formam cognitio . . . nec describere audeo nec tacere . . . innos fidei quæ suadet (a) audacia . . . naturæ munus occur . . . oli tribunal . . . duorum fluminum . . . gnara dedecus . . . manus geminas aggerum institutiones mole vallavit (1). Succedit scæna murorum tantum ex ea parte declivis, qua margines turrium fluenta perstringunt. Nam brachiis (b) utrinque Rhenus urgetur, ut in varios usus tutum præbeat commeatum. Ipsa illa, quæ propugnaculis ambiuntur, opere suo decenter ornata sunt. Ita crebris hiatibus destrecta coniunctio pandit exitum glande-stinis (c) iactibus sagittarum. Stat mediæ arcis aurata sublimitas, et tecto comitur pro tropeo: cui perar-dui et in prona declivis (d) levis plumbi lorica subtexitur. Quem tibi, Auguste, animum cum hæc conderes fuisse credamus? quasi sollicitus munita fecisti, quasi securus ornasti.

VIII. Prodidit vetus fabula, Gigantum manum quondam montanas turre intulisse sideribus (2). Talia forte temptavit: neque enim terregenas licet iuvenes Peliona adque Ossam convexisse credibile est. Dum solitis maiora conantur, infirma moliti sunt. Sed fama auxit invidiam, ut fragilitas operis negligentius conlocati, simulatâ Numinum conspi-ratione, culpa careret incuriæ. Aut si rerum talium

(a) Cod. *madit*. (b) Ita Cod. cum duplici *c* ut in aliis antiquis Codd. (c) Ita Cod. cum *g*. (d) Cod. *decliver*.

(1) Loquitur Orator, ut puto, de illo munimento celso et tuto, quod a Valentiniano prope Nigrum fluvium conditum narrat Ammianus xxviii. 2.

(2) Obiter moneo, Themistium in Oratione xiii. quæ est de pulchritudine Gratiani (Edit. Hard. p. 176-177.) commemorare pugnam Gigantum ærea imagine expressam ante curiam Constantinopolitanam.

fides constat, habes testimonium grande meritōrum, cum tanto cæli favore ista perfecta sunt, quanto illa odio corruerunt. Obsedetur oculis subiecta barbaria, et intellegit sibi libertatem pro parte sublatam, cui non licet habere secretum (1). Non ego montium speculas, aut decisa Ægyptiis rupibus procera miracula, vel pyramidum vertices angulosos, fastigiis celsæ urbis æquaverim. Regis (a) ipsos siquis interroget, laudabunt mehercule quod institui noluissent. Ipse in hostibus depræhendi (b) ambigua signa formidinis et stuporis. Ita conspicuam mœnium dignitatem vario interpretantur (c) adfectu: ut adhuc diu iudicare non possint, utrum eam mirari magis debeant an vereri.

. IX Dixi, Auguste venerabilis, negotiis tuis auxilio fuisse Cælestis. Facilis adsertio est, cum Rheno teste nitimur: qui alpinæ nivis defluo liquore cumulatus, cum ripæ utriusque confinia cogeretur excedere, maluit ad Victoris iura transire: aversatus est solum barbarum, totumque Principi agmen exposuit, more migrantium perfugarum. Non fuit ille, si credis, hostiles (d) excursus: lento per aperta processu venit similis supplicanti. Deditionem vidimus fluentorum, Nili eruptionibus proximam, quibus arens Canopus (e) et Memfitica glæba pinguescit. Et ille (2) ut obsequatur egreditur; cessit alius (3) (f)

(a) Ita Cod. pro *reges*. (b) Ita Cod. cum diphthongo. (c) Cod. *interpretantur*. (d) Ita Cod. pro *hostilis*. (e) Cod. *Caponus*. (f) Cod. *aliut*, nempe pro *aliud*. Mihi videbatur scribendum *aliut*.

(1) Ammianus. xxix. 4. ait.: » E speculis, siquis hostium se commo-
» visset, desuper visus obruebatur ».

(2) Nempe Rhenus.

(3) Nempe Niger fluvius. Sic autem rem narrat Ammianus xxviii. 2.
» Cum reputaret Valentinianus munimentum celsum et tutum, quod

quo magis hoc amice fieri crederemus. Quod Nigrum fluvium quasi quoddam pignus accepimus, iam minus mirum est quod tibi regum liberi pro foederibus offeruntur. Nec Rhenus, ut ita dixerim, romana pace ganderet, nisi amnem convenam, velut obse- dem, tradidisset.

X. Ventilemus prisca monumenta, scrutemur an- nales: invenies vetustatem pæne ignaram fluminum quæ tenetis. Ipsi illi vates exoticis nominibus licen- ter ornati, cum ad indicum Gangen et Borysthenem scythicum carmen extenderint, Nigrum parem ma- ximis ignoratione siluerunt (1). Nunc primum victo- riis tuis externus fluvius publicatur. Gaudeat servi- tute, captivus innotuit. Elementis quodammodo ditatam cerno rempublicam, cui amnes incogniti mancipantur, longinqua terra coniungitur. Dum orbis terminos quæris, gentium sustulisti. Parum quiddam naturæ superest, quod adhuc Romanus inquirat. Re- labi credis imperium, nisi semper accesserit.

XI. Quid si impetus tuos institutio mœnium non teneret? Nescis transire deserta: diligentiam iactan- tiæ prætulisti. Nam celeritas, famæ commoda est;

» ipse a primis fundarat auspiciis, præterlabente Nicro fluvio, paul-
 » latim subverti posse undarum pulsu immani, meatum ipsum aliorum
 » vertere cogitavit: et quæsitis artificibus peritis aquarum rei, copio-
 » saque militis manu arduum est opus adgressus. Per multos enim
 » dies compaginatæ formæ e roboribus coniectæque in alveum, fixis
 » reflexisque aliquotiens prope ingentibus stilis, fluctibus erectis con-
 » fundebantur, avulsæque vi gurgitis interrompebantur. Vicit tamen
 » imperatoris vehementior cura, et morigeri militis labor, mento te-
 » nus dum operaretur sæpe demersi: tandemque non sine quorundam
 » discrimine castra præsidaria inquietudine urgentis annis exempta,
 » nunc valida sunt ».

(1) Nigri tamen meminere proximi Symmache Scriptores Vopiscus in *Probo* (Edit. Paris. 1603. p. 351. C. seu cap. 13.), Eumenius in *Panegyrico Constantini* cap. 13. Ausonius in *Mosella* v. 423.

munitio firmitati. Quererer (a), Consul invicte, necdum tibi parere omnia, nisi ea, quæ adiuncta sunt, scirem facta meliora.

XII. Consulto multa prætereo, ne in poeticos flatus rerum ingentium cothurnus (b) erumpat. Unum e pluribus trita insinuatione contingam. Rhenum, numquam antehac temere navigatum, tumentibus aquis itinera tuta portasse. Ita in morem nexa navigia constrato desuper solo riparum extima (c) momorderunt (1). Unius diei negotio pendentis machinæ ordo convalluit. Ludo iocoque certatum est ex qua parte velocius in amnem medium contextio perveniret. Eat nunc troiani carminis Auctor inlustris, et pro clade popularium Xanthum fingat iratum (a): armatas cadaveribus undas Scriptor decorus educat. Nescivit flumina posse frenari. Tantumne valuit rivus Iliaecus, ut in auxilium Vulcani flamma peteretur? Profundus didicit, quid parvus evaserit? Defensio ipsa Cælestium tuo operi non meretur æquari. Fluvium incendisse vindicta est, calcasse victoria.

XIII. Ut video, æterne Defensor, conscientia tua maior est consulatu. Habes, quod tibi alter præstare non possit, animum præmio certiolem. Nec ideo putes ingratham esse rempublicam: hoc est in ornamentis civilibus maximum, quod tuis meritis fate-mur angustum. Sat est ad remunerationem beneficii,

(a) Cod. *quererer*. (b) Cod. *Cothurnus*. (c) Cod. *existima*.

(1) Rhenum navibus a Valentiniano iunctum narrat Ammianus xxx. 4. si tamen tempora congruunt. Confer eundem etiam xxvii. 10.

(a) Celeberrima hæc exstat narratio apud Homerum Iliad. xxi. 212-385. Xanthum videlicet fluvium iratum Achilli qui sibi Trojanorum cadaveribus aquas impleisset, impetu facto eundem obruisse. Periisset autem Achilles, nisi Iuno Vulcanum immisisset, qui exusto fluvio Hecæa expedit.

ut cum digna rependi nequeunt, vel summa solvantur.

..... XIV. tenere secreta. Itaque Crassus percontanti filio quid noctis moveri castra iussisset; vereris, inquit (a), ne tuas aures forte non penetret occentatio bucinarum? Nobis satis est curare praesentia, futuros exitus tecum fortuna disponat. Num ambiguum est semper barbaros suspicari quæ sæpe perpeasi sunt? Sed inexplorata veritas magis anxios effecit, quam paratos. Sciunt quid cavere altitudo Principis utrumque providit, ut et illorum circumspectio falleretur qui numquam mente securi sunt, et nostrorum animus integer perveniret (b), qui ante solliciti non fuerunt.

XV. Quid ego in te peritiam bellicæ rei (1)? quid usum ducendi agminis? quid locorum notitiam, temporum demensiones, laborem sine perniciæ, curam sine merore (c) contaudem? Vidi fidissimos (d) comitum tuorum solito lætiores, cum ad destinata (e) præmissi, quæ videbant præ ceteris se tantum meruisse cognoscere, gauderent (f) cum omnibus etiam ante nescisse. Præstitum sibi utrumque dicebant, cum eos iudicio elegeres et auspiciis adiuvares.

XVI. Nec dubitabant Principem protinus adfuturum, qui inter divisas cohortes diversasque legiones et illorum coeptis inprovisus interfuit, et nobis præstitit quod resedit. Ita nulla pars quæstæ (g) est vel

(a) Cod. *inquit*. (b) Ita Cod. *perveniret*. (c) Ita Cod. *merore sine diphthongo*. (d) Codex primum *fiduciosissimos*, tum emendatum *fiduciosos*. (e) Cod. *destinata* (f) Cod. *cognoscere gaudere* gauderent. (g) Cod. *quæstæ*.

(1) Militares Valentiniani virtutes sæpe commemorat Ammianus, et præsertim xxx. 9.

cito abissee ductorem vel sero venissee. Divina consilia post terminum patent. Intellegimus te ideo præmississe nonnullos, ne esset tarda victoria; ideo plerosque tenuisse, ne esset multitudo suspecta. Ante Alamanniam mancipasti, quam interiora quæreres. Vides nihil esse prolixum magna curantibus: nec remanentem relinquis (a), nec a præcedente desereris. Ignosco iam desidiæ barbarorum. Quid iuvat quærere ubi potissimum degas, cum ubique semper appareas?

XVII. Cedo mihi, Imperator, belli Iliensis historiam: probabo Græciam parva mentitam nec magnitudini servisse nec fidei. Aiunt Heroas ad Troiam classe delatos ignoti litoris timuisse contactum, donec formidata responsa vel strenuus temeritate iniret (1), vel fraude versutus eluderet. Nolo dolos, nolo commenta. In exercitu Principis mei certatum est quis primus exiret: necdum extrema riparum navalia rostra pulsaverant, et iam miles impiger desilibat. Sub tali Duce tuta devotio est: magis unusquisque curavit nequis anteiret, quam nequis occurreret.

XVIII. Plus videris mihi egisse (b), quam cuncti, qui fortunam singulis præstitisti. Non harenis immersa hæseret vestigia, nec tardior nisus per vada (c) cunctatus est. Mitiora omnia visa sunt quam fuerunt: Rhenus placidus cum æstualet, terra stabilis cum dehisceret, ripa planior cum tumeret.

(a) Cod. *relinquens*, dein factum *relinques*. (b) Cod. *egessu*. (c) Cod. videtur habere *udae*.

(1) Nempe Protesilaus, qui primus quum e navibus in Troianum litus exscendisset, ab Hectore occisus est. Vide Ovidium *Metamorph.* xii. 67. *Heroid.* xiii. 95.

XIX. His virtutis excursibus non obreptioni via quæritur, nec repentinæ cædi insidiarum. Haud placet ferire præventos (a). Exaturat animum gloriosum fortunata velocitas. Sinis abire cum liberis: et quo magis cognoscerent bella exigi, patiebaris et a barbaris arma transferri. Nemo vilibus culminibus (b) contexta gurgustia internecivo igne populatus est: nec indormientes lectulis feras matres antelucanus raptor extraxit. Vix desudata in diem crapula et refrigeratis cubilibus fugam veniæ miscuerant. Ut damnis pernicibus campus aperitur, ut agmina ignava cervorum latibulis emota silvestribus in plana cognantur; ita gratus visum est discurrētem barbarum spectare quam cedere (c). Triumphi (d) speciem vicit impunitas. Si bene aestimo rigidum nationis ingenium, vitam credit infamem, cui contemptus ignoverit. Numquam pæniteat pepercisse metuentibus. Laus certaminum fortuita est, certa clementiæ. Qui odium hostile non meruit, par esse desivit. Alterum necesse est de miserabili populo; suscipimur, si adficitur: indulgentia tua, mihi crede, punitus est: si gratulatur, obnoxius est.

XX. Dicam quod nulla monumenta testantur: tibi incola vivit Alamanniæ: quos ferro subtrahis, addis imperio. Sat est quod mores gentium parcendo mutasti. Quid illis remansit inmane, quorum salus mancipata est beneficiis tuis, et terra castellis? Tute interim liberi sunt, sed iam pudore captivi. An ad longinqua diffugient, quos non vexilla tantum tua, verum etiam nova oppida persequuntur (e)?

(a) Cod. *Appacit ferire prævencus*. Quare liberum culque esto locum pro libito interpretari. (b) Cod. *culminis*. (c) Cod. *cedere*. (d) Cod. *triumphis* et nota hæc loco adspiratam. (e) Ita Cod. *persequuntur*.

Exclussit cultus indigenas (a), et quasi iam vacantibus mediis ulterior accola romanum fœdus efflagitat. Non est, ut anguror, otiosum, quod Burgundionum crebra legatio concordiam postulavit (1). Aut arma Principis sentiuntur, aut iam celsa eminus castrorum tecta rutilarunt. Optant cohærere victoribus prius pace, quam limite. Si ulla tibi in otio esset ætas, preces (b) forsitan distulissent. Quidquid interiacet ornando iungetis. Accessu, ore rogans tota consumitur. Ubi illi (c) sunt qui dudum Germaniæ civitates obsidione.

. . . . XXI. Ab ortu in oceani ostia riparum margines operum corona prætexit (2). Quis credat hoc quoque esse curatum, ne portibus indigeret? Nam qua regio Nemetensis extenditur, recessum fluminis murorum ambitus vindicavit, parvo aditu nec satis libero, ut stationis exitus propugnaculis desuper protegatur. Habent sua quodammodo castra rostratæ, et intro (d) conclave Rheni regia classis armatur. Fallit eminus intuentis theatrum (e) consæptum, qui cum videant per summa (f) discurri, per ima nesciunt navigari.

XXII. Supererant, Auguste, plura quæ dicerem: sed inter tot scriptores rerum tuarum, nolo ceteris

(a) Nota *indigenas*, quæm alibi viderimus *indigenas*. (b) Cod. *preces*. (c) Cod. *illis*. (d) Ita Cod. *intro* pro *intra*. (e) Cod. *theatra*. (f) Cod. *summam*.

(1) Burgundiones (seu Burgundios) Valentinianus excitavit in Alamannos Romanorum hostes perpetuos, spondens se illis auxilio futurum. Et Burgundiones quidem fide habita fœdus cum Romanis inierunt, sed Valentinianus pactis non stetit. Amm. xxviii. 5.

(2) » Valentinianus (inquit Ammianus xxviii. 2.) Rhenum omnem a » Rætiarum exordio adusque fretalem oceanum magnis molibus com- » muniebat, castra extollens altius et castella per habiles locos » et opportunos, qua Galliarum extenditur longitudo: nonnumquam » etiam ultra flumen ædificiis positis subradens barbaros fines »;

universa decerpere. Debent tibi ingenia omnium quod locuntur (a). Sonet apud te libertas forensis eloquii, quam dudum exnlem tribunatibus reddidisti. Ruri emeritus torpebat orator (1) : quibus facundiam natura dederat, officium vis negabat. Nusquam maius silentium, quam in sacrariis litterarum. Idem varias ætatis tacendi morbus urgebat, cum incipientium studia brevis finis artaret, peritiam veterum desuetudo longa conrumperet. Exitum litium regebat eventus. Quid enim de auctore (b) præsumeres (c), in quo hæc tantum spes erat, quod cum peiore certabat? Nec dubitabamus eum plus in negotiis prosequendis habere prudentiæ, qui soleret consilium a desinentibus postulare. Hæc alieni temporis vulnera in Alamannicis contemplantur excubiis. Cum alligares manus hostium, solvisti vincula linguarum.

XXIII. Congruebat hoc gloriæ tuæ, congruebat vigiliis curisque sollertibus, ut campi pariter ac fori laude fruereris. Nullæ artis silent, nulla friget industria: vacant ora legibus, arma limitibus. Par fuit ut eloquentiæ usum redderes, cum iam totiens scribenda gessisses. Silentium magnis rebus inimicum est. Quid est gloria, si tacetur? Habes tot testimonia, quot (d) ingenia liberasti. Invenisti, Principum maxime, genus aliut laurearum. Dum orbis (e) secreta rimaris, dum in medullis (f) barbarorum non tentoria (g) sed tecta constituis, triumphum pacis egisti.

(a) Ita Cod. locuntur. (b) Ita Cod. auctore. (c) Cod. præsumere. (d) Cod. quod. (e) Cod. orbis. (f) Ita Cod. medullis. (g) Cod. tentoria.

(1) Rure quidem se degere ait sæpe Symmachus orator in Epistolis.

XXIV. Canant alii quæ supersunt: ego testis fungor officio. Ibo per urbes, ibo per populos iactantior victore laudato. Dicam senatui plebique romanæ, fasces in provincias novas mittite, trans Rhenum iudices præparate. De te autem, Gratiane venerabilis, narrabo grandia, sed spondebo maiora (1). Sciet R.P. geminis se custodibus esse munitam, sed quasi uni esse munificam: sub communi stipendio duos Principes militare: plures necessitates (a) laborum esse quam sumptuum. Felicis (b) sæculi ista commoditas est, obsequia utrique inncta præbere, et beneficia divisa percipere. Moderatum est quod penditur (c), quia simul sumitis; amplissimum quod geritur, quia certatim ambo præstatis (c).

XXV. Quanto parcius vestri numinis cultus est quam Deorum? Illis singula templa fundantur, et sua cuique locantur altaria. Inde, ut arbitror, maluerunt dispares ritus, ne in consortium cogerentur. Nulli cum altero fas est dicare pulvinar. Hunc frigidus antistes placat (d), hunc pontifex. Illas castæ matres (e) tuentur aras, has infulata virgo custodit. Sumpserunt nomina diversa tot flamines (f), ne possent Dis pluribus esse communes. Ipsas nobilium

(a) Cod. *necessitas*. (b) Cod. *felices*. (c) Cod. *præstator*. (d) Cod. *Nunc frigidus antistes placat*. (e) Cod. *mauris*. (f) Cod. *flaminis*.

(1) Undecimum scilicet agebat ætatis annum Gratianus in consulatu tertio parentis Valentiniiani, a quo dictus erat Augustus tribus ante annis, nempe octennis.

(2) Hanc laudem aperte Valentiniiano tribuit Ammianus xxx. 9. » In » provinciales, inquit parvus, tributorum ubique molliens sarcinas ». Aliter tamen se gessit extremo sui imperii tempore Valentinianus, testibus eodem Ammiano xxx. 5. et Zosimo iv.

divisere gentes. Pinarios Hercules occupavit (1). Idea Mater legit hospites Scipiones (2). Veneriis (a) sacris famulata est domus Iulia (3). Orbem pene ipsum sumptus defecit, quia cultus inplevit. Vestri imperii iuncta frugalitas est, discreta magistratu (b). Nam quodammodo duos putamus esse qui regitis (c), cum duos sentiant qui resistunt (4).

*Expliciunt Laudes posteriores
in Valentinianum Seniore Augustum.*

(a) Ita Cod. *Veneriis*. (b) Cod. *magis casu*, cui videbatur supponendum *magistratu*.
(c) Cod. *nam quodammodo in vobis putamus esse qui regimur*.

(1) Potitiorum familiâ extinctâ, sacra Herculis penes Pinarios resedissee tradit Aurelius Victor de Orig. G. R. cap. 8. Vide de ea prærogativa Potitiorum et Pinariorum Livium I. 7. Dionys. Halic. I. 40. Tum Eckhelium Doctr. num. vet. Tom. 5. in *Gente Pinaria*.

(2) Quum Mater Idea (seu Idæa) Pessinunte Ostiam advecta esset, P. Scipio Cn. filius (eius qui in Hispania ceciderat) Romanorum optimus indicatus, auctoritate publica ad Deam excipiendam electus est. Vide Livium xxxix. 11. et 14.

(3) Iulia quippe familia ad Venerem sui generis originem referebat.

(4) Nempe quum hostes nostri duos esse Imperatores romanos sentiant. Nam Valentinianus Gratianum, etsi puerum, in bellicis expeditionibus socium habebat. Am. xxvii. 10.

LAUDVM
IN GRATIANVM AVGVSTVM

ARGVMENTVM

CELEBRAT Symmachus Gratianum primum quidem quod plane puer voluntate exercitūs et patris sapientia Augustus creatus sit: id autem constat Gratiano octenni accidisse. Addit Orator exempla aliorum, qui pueri regnum adepti sunt. Innuvit deinceps studia litterarum, quibus in primis Gratianus deditus erat. Rursus Gratianum illustrat Pompeii magni exemplo, qui adolescens iam gloriosissimus erat. Tum eidem Gratiano Sibyllina seu Virgiliana oracula per quamdam parodiam accomodat. Denique totum orbem Gratiano subiectum iri vaticinans innuit. Dicit autem Ammianus *xxvii. 6.* post electum a Patre Gratianum » Consurrectum esse in » laudes maioris Principis et novelli: maximeque pueri, » quem oculorum flagrantior lux commendabat, vultus- » que et reliqui corporis iucundissimus nitor, et egregia » pectoris indoles ». Ibi ergo fortasse Symmachus hanc laudationem dixit. Nam Symmachus quidem se versatum in exercitu Valentiniani dixit in eiusdem Laudatione altera (p. 18).

Q. AVRELII SYMMACHI V.C.

LAUDES.

IN GRATIANVM AVGVSTVM

.... I. sollemnibus copulare (1). Sed prima mihi devotionis causa peragenda est. Libens aurea sume munuscula, qui talia tempora præstitisti. Salve nobis sæculi spes peracta (a), et in gremio R.P. nutricis adolesce, lætitia præsentium, securitas posterorum. An ego vereor ne in adolescentem gratosus existimer, cuius primum est stipendium principatus? Tuis certe auspiciis disci semper trium.

II. Te imperii Candidatum toga picta vestivit (2). Neque enim aliud expectare iam poteras qui a perfectis honoribus inchoabas. Vidimus in sellis curulibus novum lumen, clementiæ auspices incruentas secures, virtutis omina in fascibus laureatis, maiestatis augurium (b) in aquilis Scipionum. Tunc primum forensis industria lege quondam silentii subiugata liberos oculos ad tuum tribunal erexit. Cum in amplissimo magistratu illustre quiddam et dulce

(a) Cod. *peracta*. (b) Cod. *maiestatis aurum in aliqualis*.

(1) In qua pagina desinunt Laudes posteriores in Valentinianum, in eadem incipiunt Laudes in Gratianum, sed mutilæ a principio quia fortasse Amanuensis litteris maioribus exordiri scriptum cogitabat. Eius generis lacunas sæpe vidi in antiquis codicibus. Ceterum exiguam partem Laudationis exordientis deesse, ipsa, ut dixi, pagina docet.

(2) Loquitur Symmachus de primo Gratiani consulatu, quem gessit septennis anno Ch. ccclxvi., nempe anno ante initum imperium.

resonantia decreta sancires (1), sensim intelleximus ad honesta officia facundiam posse remeare, quam videbamus in consule.

III. His ad imperium lectus auspiciis prærogativam consulis ad comitia purpuræ detulisti. Errat quisquis ideo censet ætatem. Pro senibus puer dimicas (a), pro liberis nostris æquævus insudas. Tu nempe es (b) quem pæne intempestive putabamus electum?

IV. O militum sincera suffragia! Scit iudicare devotio. Fortunæ publicæ fuit, ut qui genuerat (c), parciora promitteret, et qui necdum noverant, felicius iudicarent. Quis umquam de indole pueri cum parente contenderet? et tamen fiducia non peccat exercitus. Sic electus es re probatus (d).

V. Quis mihi Zeuxydis coloris (e) ceris hæc comitia spectanda digereret? Siquis Appelleus imitator illud cæleste iudicium verisimili adfectu artis animaret, viserent posteri vix credenda miracula. Hinc Augustum, inde legiones, et inter hos medium regni impuberem Candidatum. Anceps diu utrumque certamen: et cunctis alacri fronte plaudentibus patrem sero cedentem (2): turmas supplices, cuneos

(a) Cod. *dimicans*. (b) Cod. *est*. (c) Cod. *senuerat*. (d) Ita lego, non *reprobatus*. (e) Codex videtur habere *coloribus*. Esset autem *color* adiectivâ formâ pro *coloratus*.

(1) Gratiani quamdam orationem celebrat Symmachus Epist. 13, lib. 1. Sed ea quidem fuit Augusti saltem nuper electi eademque videtur de qua in Epist. 2. lib. 10. quo tempore Gratianus patri iam extincto imperator successerat. Heic autem innuit Orator Scriptum Gratiani primum consulis, nempe nondum Augusti.

(2) Nempe videtur Valentinianus more gratiosorum hominum Gratiani pueri dignitatem rogatus comprobasse. Id confirmat etiam Zosimus 17. qui ait Valentinianum exoratum a Proceribus tandem adsumpsisse Gratianum. Ceterum Ammianus xxvii. 6. refert immo Valentiniani sermonem, quo is exercitum orat, ut Gratianum Augustum lubens veneretur.

ambientes: digna tabula sæculis, digna pictura temporibus, quibus magis utiles videmus eligi quam volentes.

VI. Decuit annis florentibus omnium favere iudicia: melius unumquemque officii usus exercet (a). Sic Antiocho ante robur ætatis Syria sponte subiavit (1). Pelleum ducem præcox fortuna delegit. Ptolemæo (b) inter prima rudimenta lactantis infantis regnum Roma reparavit (2). Et mehercule tenacius rapit inperii disciplinas teneritudo primæva. Virtus, cum cito inchoat, diutius perseverat. Nempe virentibus ramis artifex rusticandi alienum germen includit, ut novella præsegmina coagulo libri ubidius (c) inolescant. Audio in edomandis equis, equitis (d) inascios aptius essedis colla subiungere

. . . VII. Tyrannos vinces officiis. Servetur tibi aliquod opus virtutis in posterum, cui nihil iam remansit ignotum. Quas habes laboris indutias, tropeis et

(a) Cod. Cod. exercit. (b) Cod. prima manu *Ptolemæo*, cum scriptum *Ptolemæo*. (c) Cod. videtur habere *ubidius*. (d) Cod. videtur habere *inascios*.

(1) Intellige Antiochum v. seu Eupatorem, qui novem annos natus regnare cepit, sicuti Gratianus octennis. Vide Appianum *de Bell. Syr.* cap. 46.

(2) Mortuo Ptolemæo iv. Philopatori successit filius Ptolemæus v. Epiphanes quinquennis (seu quadrimus ut ait Hieronymus in *Danieli* Cap. xi. v. 14.) Puero Epiphani senatus romanus, petentibus Alexandrinis, tutorem misit M. Æmiliū Lepidum, qui regnum administraret. Rem vide apud Valerium Max. lib. vi. cap. vi. n. 2 Iustinum libro xxx. 3. Tacitum *Annal.* II. 67. Lis tamen apud Criticos existit, euiam ex tot Ptolemæis tutor Lepidus datus sit: quam questionem videsis apud Eckhelium *Doctr. num. vet.* Tom. 5. in *Gente Æmilia*, ubi et nummus Lepidi tutoris.

litteris occupatus (1)? otiosa cum bellicis negotia miscuisti. Agnosco in te non adumbrata vestigiis, sed expressa veterum signa virtutum. Nempe Fulvium Nobilem tam laude quam nomine inter aquilas cantusque lituorum præceptor Ennius (2) frequentavit. Africanum illum terra marique victorem (3) lectionis particeps et laboris Panætius non reliquit (a). Cum magno Alexandro mundanam pæne militiam filosoforum (b) comitatus exegit (4). Iam credimus vetustati, cum in isdem tentoriis tuis volumina et arma tractentur. Nec deest quod pro conditione rerum temporumque percenseas. Historia oblectaris (c), in præliis adhortatione (d), suasoriis actionibus in conloquiis, carminibus in triumphis.

VIII. Sentio me ad exempla Veterum tempestive esse dilapsum. Iure igitur ex annalium memoria Pompei usurpabo responsa. Is equestri censu equum de more traducens, cum forte interpellaretur voce

(a) Cod. reliquid. (b) Ita Cod. sæpe f. pro ph. sed non semper, et quidem mox triumphis. (c) Cod. oblectares. (d) Cod. in adhortatione.

(1) Valentinianus ipse pater apud Ammianum xxvii. 6. dicit Gratianum *humanitate et studiis disciplinarum sollertium peritum*. Symmachus Epist. 21. lib. 1. vocat *eruditissimum*. Fuit autem Gratianus alumnus Ausonii, a quo item in Gratianum Actio appellatur *doctissimus*.

(2) Codex pro *Ennius* habet *Accius*, manifesto mendo. Nam primum ipse se refelleret Symmachus, qui in Epistola ad Ausonium 21. lib. 1. utitur hisce iisdem exemplis Ennii et Fulvii, Panætii et Africani etc. Tum Ennium adiungit Fulvio Cicero *pro Archia* xi. et *Tuscul.* I. 2. Denique Accius a D. Hieronymo (in Chronico) natus dicitur. Mancino et Serrano consulibus (Urbis 584.) nempe anno xix. post Fulvii victorias.

(3) Intellige Africanum minorem, et confer Paterculum lib. 2. cap. xiii. 3.

(4) V. Ciceronem *pro Archia* x. His autem exemplis Ennii Panætii et philosophorum sine dubio Symmachus etiam Ausonio Gratiani magistro oblique adulatur: quod quidem apertissime facit in Epistola 21 libri 1.

ensoris, sub quo imperatore meruisset? Me ipso, inquit (a), principe militavi (1). Nolo explorare iactationem Ducis tanti fortasse mendacem. Dignius tamen sibi istam gloriam vindicaret qui cœpit ea ætate ceteros regere, qua nondum posset ipse parere. Me siquis interroget, quando inclytus Gratianus dilectui nomen obtulerit; respondebo libere, quando imperatoris accepit.

IX. Si mihi nunc altius evagari poetico liceret eloquio, totum de novo sæculo Maronis excursum vati similis in tuum nomen excriberem. Dicerem de cælo redisse Iustitiam (2), et ultro uberes fetus iam gravidam spondere naturam. Nunc mihi in patentibus campis sponte seges matura flavesceret, in sentibus uva turgeret, de quernis frondibus rorantia mella sudarent. Quis hæc sub te negaret esse credenda, cuius indoles (b) multa iam præstitit, et adhuc spes plura promittit? Et vere, si fas est præsagio futura conicere, iamdudum aureum sæculum currunt fusa (c) Parcarum. Nec poeticis utar indiciis. Ecce iam Rhenus non despicit imperia, sed intersecat castella romana: a nostris alpibus in nostrum exit oceanum. Ille libera hucusque *spatiatus aqua* repagulis pontium captivus urgetur. En noster bicornis cave æqualem te arbitrare Tiberino, quod ambo Principum monumenta gestetis (d): ille redimitus est, tu subactus.

(a) Cod. inquit. (b) Cod. indolis. (c) Ita Cod. fusa. (d) Cod. gestetis.

(1) Idem narrat Plutarchus in *Pompeio* Edit. Londin. 1723 Tom. 3, pag. 442.

(2) Imitatur Orator quartam Virgilii Eclogam.

Non uno merito pons uterque censetur (1): victus accepit necessarium, victor æternum. Pretiosior honori datus est, vilior servituti.

X. Queri (a) de paterna gloria Macedonum Rex solebat (2), quod subactis longe lateque provinciis, nihil ad victoriam virtuti reliquisset heredis (b). Absit a meo Iuvene ista querimonia. Laus omnis amborum est: filium te exhibes (c) reverentia, virtute collegam. Una est utriusque militia, et coniuncta felicitas. Tu gaudes magisterio patris, ille contubernio iunioris. Certa ratione naturæ numquam invidet (3) qui cohæret.

(a) Cod. *quæri*. (b) Cod. *heredes*. (c) Cod. *exhibet*.

(1) De ponte, quo Valentinianus iunxit Rhenum, recole Laud. II. p. 22. Pons autem Tiberi impositus ille nimirum est, cuius exstat apud Gruterum p. CLX. 4. inscriptio hæc.

FL. VALENTINIANVS. *etc.* TRIB. POT. VII. IMP. VI. CONS. II.

FL. VALENS. *etc.* TRIB. POT. VII. IMP. VI. CONS. II.

FL. GRATIANVS. *etc.* TRIB. POT. III. IMP. II. CONS. PRIMVM

PONTEM. FELICIS. NOMINIS. GRATIANI. IN. VSV. SENATVS

AC. POPVLI. ROM. CONSTITVI. DEDICARIQVE. IVSSERVNT

Pons igitur, de quo loquitur Symmachus, dedicatus est anno Ch. 369. Atqui superius innuimus, hunc Panegyricum dictum esse fortasse apud Ambianos quum Gratianus Augustus inauguraretur anno 367. Ergo ut nobis ipsi constemus, nihil repugnare dicemus Symmachum loqui de ponte paulo ante quam dedicaretur. Potuit enim anno 367. ille pons Romæ pæne totus fuisse constructus, qui anno 369. dedicatus est. Sed plane hic Panegyricus dictus saltem est ante annum 371. in quo iterum consul fuit Gratianus. Orator enim de unico tantum loquitur Gratiani consulatu. Illud etiam noto, apud Ammianum quidem XXVII. 3. dici pontem conditum et dedicatum Romæ a Symmacho Oratoris patre; sed locum Ammiani interpolatum videri.

(2) V. Plutarchum in *Alexandro* Edit. cit. T. 4. p. 10.

(3) Symmachus oratorie hoc dicit. At Zosimus IV. Valentinianum invidiæ vitio flagravisse tradit.

XI. Quod si fortunam tuam, Gratiane venerabilis, quæ prima in ducibus æstimatur (1), perpensa examinatione libremus, quid felicius Principe sub parentibus imperante? Te placido sinu cunctus orbis amplectitur. Cumque sit respublica Patri et Patruo tuo quadam specie distributa, tibi uni tamen cum utroque communis est (2). A cubilibus surgentis (a) auroræ ad metas solis occidui nihil cernis alienum. Inter cognatos siderum globos quantum alter (b) alterutro minor est (c), tantum singuli (d) ex utroque cumulatiores (e).

XII. Audio iampridem fatidicos obmurmuræ gentium vates, hactenus nomen stetisse barbaricum: iam genitum esse, iam crescere cui necesse sit cum toto orbe servire. Incusant alii senectutem, servatamque in tempora captiva canitiem. Alios teneræ tædet ætatis, qui postquam sensum libertatis hauserunt, metu servitutis agitantur. Merito undique certatim supplices misere legatos: captivo similis est, qui primus currit ad pacem. Credo hostium responsis, credo præsagiis. Quantum gloriæ consequeris olim, Patre incolūmī, ducturus exercitum, qui quacumque duceris iam rogaris (f)?

*Expliciunt Laudes
in Gratianum Augustum.*

(a) Cod. primum *urgens*, tam factum *urgens*. (b) Codex pro alter habet *adhuc*. (c) Cod. *minor ex*. (d) Cod. *singulis*. (e) Cod. *fortasse cumulatiores*. (f) Cod. *rogares*.

(1) Imitatur Symmachus Ciceronem qui *pro Lege Manilia* xvi. Pompeium imperatorem ex hoc etiam commendat, quod ei quædam singularis adiuncta esset fortuna.

(2) Reapæ et Valentinianus Galata, Valentis unica virilis sexûs proles, qui trimulus consul fuit anno Ch. 369, puer paulo post obiit. Vide Socratem iv. 26. Theodoretum iv, 19.

LAUDVM
IN PATRES
ARGVMENTVM

CELEBRAT Symmachus hac Laudum parte superstite morem tunc vigentem creandi consules: eligeat nempe, ut ait, senatus dignissimos, eosdemque Principum æquitas confirmabat. Huic autem mori opponit tum electiones sub libera republica quæ ab infima turbulentaque plebe fiebant, tum nundinia consulatûs sub Cæsaribus, qui plane abiectum fecerant hunc magistratum.

Videntur autem dictæ hæ Laudes quum nescio quis consulatum iniret. Orator quidem noster consul fuit anno Ch. cccixc., Theodosii imperantis XIII. Valentiniani Iunioris penultimo, Arcadii nono. De consulatu suo loquitur Orator Lib. 4. Epist. 12. et Lib. 9. Epist. 130.

·Q· AVRELII SVMMACHI ·V·C·

LAVDES IN PATRES

. I. *consulatus* vexit. Scilicet hoc uno placet (a) suffragio, quia omnibus displicebant. Genus quoddam erat novi ambitus non amari. Hanc inlecebram propositæ spei mores publici sequebantur. Ita accidebat, ut boni, quibus adversa omnia erant, aut opprimerentur improborum insidiis, aut mutarentur exemplis.

II. Ad (b) nunc idem Principes nostri quod Proceres volunt. Unum corpus est reipublicæ: adque (c) ideo maxime viget, quia capitis robusta sanitas valetudinem membrorum tuetur. Amor vester prærogativa est consulatus. Magistratum boni capiunt, quia non ab uno tantum, sed ab omnibus eliguntur. Sciunt enim Parentes generis humani diligentiora iudicia esse multorum, et de proximo melius spectari cuiusque mentem, et infucatum semper esse examen æqualium: quia par dignitas, nisi meritis adquiescat, æmulationi magis opportuna est quam favori. Ergo in eum locum venimus, ut, iam de vestro studio ·P·C· de vestra adfectione possit intellegi quos dehinc consules ex hoc numero simus habituri. Quiquis bonus est, iam destinatus est: renuntiet ceteris artibus, quæ spem plerumque frustrantur: vitam denique subeat consularem. Ad mores rediit honor quem sæpius, ut de ambitu taceam, fata præstabant.

(a) Ita Cod. *placuit*, mallem *placuerunt*. (b) Ita Cod. *ad*. (c) Ita Cod. *adque*.

III. Sit mihi fas P.C. in certamen præsentium vetustatem citare. Illa (1) tribus evocet libertinà ac plebeia fæce pollutas; nos (2) patricios favisores: classis (a) illa, nos principes. Tales collega vester suffragatores habuit, quales antiquitas candidatos. Intellegamus nostri sæculi bona: abest cera turpis, diribitio corrupta clientelarum cuneis, sitella venalis (b) (3). Inter Senatum et Principes comitia transiguntur: eligunt pares, confirmant superiores. Idem castris quod curiæ placet. Quis hoc non putet orbis terrarum esse iudicium?

IV. Si hæc nimis obsoleta adque arida sunt, sequentem scrutemur ætatem. Fascēs istos largiri didicerat prisca dominatio: et ne ad aliam munificentiam cogeretur, obtentu honoris tegebat ærarium. Aliis mos fuit fastidita diu opera prætextæ privatorum umeris paulisper inponere (4). Renuntiavit his iniuriis consulatus: ipsæ dignitates decus suum receperunt: res quæ donum solebat esse, præmium est

Reliqua desiderantur.

(a) Ita Cod. pro *clavii*. (b) Cod. *venales*.

(1) Nempe *vetustas*.

(2) Nempe *evocemus*.

(3) Ita de consulatu suo loquitur etiam Ausonius in *Gratiarum Actione* :

» Consul ego, Imperator Augusto, munere tuo, non passus septa neque
 » campum, non suffragia, non puncta, non loculos: qui non prensa-
 » verim manus: qui tribus non circumivi, centurias non adulavi, iure
 » vocatis classibus non intremui, nihil cum sequestre deposui, cum
 » diribitore nihil pepigi ».

(4) Innuit morem quorundam Cesarum, qui inito sæpius consulatu, mox eundem aliis, quos sibi sufficebant, tradere solebant.

ORATIONIS PRO PATRE

ARGUMENTVM

AGIT gratias Senatui Symmachus pro Patre suo qui consul creatus fuerat. Laudes etiam Gratiani, qui iam parenti successerat, complectitur. Tum Maximini præfecti oppressam sævitiam commemorat, et novi imperii felicitatem concelebrat. Patrem Oratoris L. Avianium Symmachum consulem fuisse constabat ex inscriptione apud Gruterum p. ccclxx. 3. quæ inscriptio posita fuit statuæ aureæ, quæ est eidem decreta, Gratiano Augusto IIII. et Merobaude consulibus, idest Ch. anno ccclxxvii. Atqui in hac Oratione de Symmachi patris consulatu nuper inito recitata, plane dicitur iam mortuus Valentinianus; ergo consulatus Symmachi patris incidit in annum vel ccclxxvi. vel ccclxxvii. quoniam Valentinianus sub exitum anni ccclxxv. vitam cum morte commutavit.

Etsi autem hac quoque Oratione, item ut præcedente, gratiæ aguntur pro consulatu conlato; nemo suspicetur unam esse Orationem. Diserte enim in Codice illa Laudes in Patres, hæc Pro Patre inscribitur.

·Q· AVRELII SVMMACHI ·V·C·

ORATIO PRO PATRE

. I. dicendi munus et gratulationis verba pertulerim; secum reputet, quantos huius beneficii habeamus auctores, humanitatem vestram qui postulastis, clementiam Principum qui dederunt, desinet profecto mirari non unum pro consulatu (a) gratias agere, quem tam multos video detulisse.

II. An si vos, Patres conscripti, tantopere curastis, ut optimæ voluntatis vobis ratio constaret, ut omnium pro uno testimonium concordiam senatus et pios mores (Patr)is adsereret; nonne ius hominum atque Deorum est aliquid læti negotii præter ceteros filium sustinere? Quando de benefactis Principum dignius? quando aput vos iustius? quando de Patre felicius dixerimus (b)? Nova sunt quæ adgreddimur (1), sed vestra humanitas auctor est inusitata faciendi. Egistis comitia non petentis: consulatum istum bonorum ambitus impetravit: vos recepistis candidati officia, nos designati.

III. Quid quod etiam mearum partium terminos occupastis? Modo ac plane paulo ante laudes Principum totus ordo celebravit. Gratiarum actio debetur et vobis. Crevit igitur et honor imploratus a multis, et gratia soluta per multos. Vultis scire qui petitores (c) pro meo Parente fueritis (d)? Merito competitores esse possetis. Hicine noster est consulatus an curiæ? quem nos fatemur ab omnibus præstitum, vos putatis omnibus esse decretum.

(a) Cod. *consolau*. (b) Cod. *dixerimus*. (c) Cod. *petitoris*. (d) Cod. *fueritis*.

(1) Hinc vides, Orationem proxime abesse ab initio.

IV. Ubi sunt qui falsa animis inbeberunt (a), magis efficacem (b) esse audaciam factionis, quam voluntates bonorum? Nempe f(ec)it repulsa virtutem, et contra ambitus omnis ignavus est. Quod honeste poscitur, feliciter impetratur. Hoc ius patriciæ genti tempora reddiderunt: postulatio vestra iudicium est. Impetrabilius cuncta nunc petitis, quam aliquando iussistis.

V. Quam raro huic reipublicæ P·C· tales Principes contegerunt (c), qui idem vellent, idem statuerent quod Senatus! Nemo olim sibi in illa arce fortunæ potens nimium videbatur, nisi diversa sensisset. Quantis plerumque offuit amor publicus! Neque enim pati poterat (scilicet) *Princeps* cuiquam deferri quod ipse non merebatur. Inpatiens est alienæ gratiæ, qui diffidit suæ. Hinc sæpe mortalium optimus ad amplissimas potestates fatorum volu.

..... VI. cunctos redundant alia, quæ in commune consequimur, ut perveniant ad gratiam singulorum. Quantum est quod boni moris (d) timere iam nesciunt? quod iudicio non terretur alieno, qui fretus est suo? quod *is quem* (e) tacuit senatus, non refertur in numerum noxiorum? quod sola suspicio reos non facit? In absentes ideo nihil fingitur, quia nihil creditur. Nullius divites (f) crimen optatur. Certe innocentes sumus; necdum liceret hoc dicere, si eosdem adhuc accusatores haberet Roma quos (g) indices. Quantum est gratias agere pro nobis? Etiam famam sæculi superioris diligentiores posterius diluerunt. Neque enim fas est negare (h) non alios Divum

(a) Ita Cod. *inbeberunt*. (b) Cod. *efficaces*. (c) Ita Cod. *contegerunt*. (d) Ita Cod. *pro moris*. (e) Videbatur supplendum *is quem*. (f) Ita Cod. *pro divitis*. (g) Cod. *quod*. (h) Cod. *negari*.

Principem (1) pertulisse hostes existimationis suæ, quam nos salutis. Iamne constat fortunam nobilitatis consentire temporibus? Eadem iustitia purgavit imperium, quæ senatum.

VII. Gratulamur tibi, Iubenis (a) Auguste, quod paterni successor factus imperii, tantum malos indices quasi hereditatis onera repudiasti. Non satis tibi idonea bona illa visa sunt cum ministris ac primo consilium tuum delibera(re adsidue, vel) dum experiris an improbi atque externi mores exemplo sæculi vincerentur: vel quod optimo filio congruebat, dum palam facere studes, præterita delicta potestatum fuisse, non temporum. Sciebas enim quo spectaret invidia, cui familiare est maximas insimulare fortunas. Adque ideo paulisper inpotentiam passus es (2), ut liqueret, eos publici doloris auctores dudum fuisse, qui etiam tum nocendi artem colebant, cum iam noverant non licere.

(a) Sæpe in antiquis mss. occurrit *b* pro *e*, et viceversa.

(1) Dicit Valentinianum qui e vita excesserat anno, ut diximus, Ch. 600LXXV. Iamque incipit Orator de Maximino loqui qui sub Valentiniano præfectus fuit annonæ in urbe, et deinceps prætorio. Maximini dignitates et scelera narrat Ammianus XXVIII. 1. et XXIX. 3. Constat autem etiam Valentinianum incitatum a Maximino fuisse ad inauditam crudelitatem: ideoque dicitur heic a Symmacho Maximinus inimicus existimationi Valentiniani. Et quidem ipse Valentinianus questus est se calumniam perpeti crudelitatis (Amm. XXVIII. 1.). Plane ex Ammiano patet plurimos nobiles artibus et sævitia Maximini esse perditos: quos inter iam constat etiam Oratoris nostri patrem gravi calamitate percussum. Neque vero mirum est de hoc silere Ammianum, qui loco nuper citato fatetur se consulto multas eiusmodi diritatis præterire.

Porro Valentinianus dicitur ab Oratore *Divus*, quia eum Gratianus post mortem (ut ait Ausonius in *Gratiarum Actione*) divinis honoribus conecraverat.

(2) Maximianus (inquit Ammianus XXVIII. 1. in fine) sub Gratiano intoleranter se efferens, damnatorio iugulatus est ferro.

VIII. Quid primum igitur admirer? quod circa Divum munus pii filii (1), an quod circa nos partes parentis egisti? Alienorum simulatione (a) criminum Maximinus fidem fecit suorum. Vestra æstimatio sit, qualis fuerit in ceteros, quem ipsi rerum Domini tyrannum pæne estis experti. Urgebat enim novo fastu patientiam regiam, et præfecturæ suæ putabat esse dispendium, siquid licuisset imperio (2). Interea nos opperiebamur, ut principatûs ultio talia vindicaret; vos expectabatis, ut senatus argueret. Credo tamen, has moras ad suffragium publicæ causæ parasse fortunam, ut suscepturus, Gratiane venerabilis, iudicium doloris nostri, adferres (b) tui. Etsi illud magis confirmare me convenit, nostram legationem nostras egisse querimonias, ut videreris quoque inter ceteros vindicari. Nam priusquam senatûs causa iungeretur tuæ, satisfactum tibi putabas, quod insidiator regni exemplo innocentium potestate decesserat (3). Postquam ventum est ad communis querellas (c), adhibuisti severitatem, qualem reliqui principes maiestatis tantum negotiis exhibebant. Actum erat, clementissime Imperator, de iniuria tua, nisi nobilitas fuisset offensa.

(a) Cod. *simulatio*. (b) Cod. *adferre*. (c) *Querella pro querela* constanter vidi in antiquis Codd.

(1) Nempe occidendo reo Maximino purgavit Valentinianum Gratianus.

(2) A Maximino affectatam pæne tyrannidem ait Symmachus etiam in Epistola 2. libri 10. quæ est ad Gratianum Augustum: » Minime » stetit quia omnes occumberemus. Tantum flagitii designaverant, qui » amplissimas potestates malis artibus possidebant! Ferox ille Maximinus ob res secundas, incubater iudiciorum, difficilis decidendis, » simultatibus promptus... Simulque res tuæ in tranquillum rediere. »

(3) Nempe Maximinus specie quadam honorata prius magistratum iuravit, tum postulante senatu a Gratiano damnatus est.

IX. Bene igitur aput vos locata est tutela -R-P- Pacem innocentiae reddidistis, abrogata est externis moribus (1) vis nocendi, crevit principatus quia liberis imperatis, tantum potestatibus quantum legibus licet. Nullae iam nuptiae cassa (a) parente iunguntur, nec funeri succedit hymeneus, neque flammea vestis atra mutatur. Credetne posteritas olim talia fuisse iudicia, quae conubia satellitum suorum sacrarent auspice pugione? spineam facem (2) de rogo damnatae matris (3) incenderent (b)? aut ululatibus adularum carmina fescennina miscerent (c)? Quid loquar, crimina necdum delata iam vendita, et humani sanguinis auctiones, aut eruditos in mendacium reos, et subornandi artifices (d), ianitores veteres, calumnias novas, poenas sine crimine, sine accusatore iudicia, sine iure sententias? Fortunata esset, optimi Principes, ter quaterque respublica, si adhuc promitteretis quae

(a) Cod. *prima manu causa*, tam factum *cassa*. Sic fere videtur intelligendus locus Plauti *Mercat. A. 6. 6. Viro fit causa, exigitur matrimonio. Nempe viro fit cassa*. (b) Cod. *incendere*. (c) Cod. *miscere*. (d) Ita Cod. pro *artifices*.

(1) Nimirum barbaris seu alienis a nobilitate moribus Maximini, qui obscurissimo loco ortus erat teste Ammiano xxviii. 1.

(2) » Spina (inquit Plinius Hist. lib. 16. sect. 30.) nuptiarum » facibus auspiciatissima, quoniam inde fecerint pastores qui rapuerunt Sabinas, ut auctor est Masurius ».

(3) Innuit Orator Anepsiae supplicium. Res ita se habuit. Maximinus praefectus annonae Aginatium perdere decreverat hominem nobilissimum et sibi inimicum. Id ut a Valentiniano impetraret, illum adulterii et veneficii insinulavit, indicio falso usus Anepsiae, cuius feminae filiam Maximinus filio suo desponsaverat. Ita impetrata damnatione Aginatii, Maximinus eadem sententia damnatam Anepsiam quoque occidit (Amm. xxviii. 1.). Atque haec sunt funera mixta nuptiis, quae Symmachus oratorie deplorat, uti Tullius pro *Cluentio* et pro *Seauro*.

iam præstitisti (a). Rerum versa condicio est (1). Paulo ante soli invidiam felicitatis trahebant (2), quos mors subripuisset; admodum miserabiles nunc habentur (b), quos vita non reservavit (c) his gaudiis (d).

X. Hæc est illa Latii veteris ætas aureo celebrata cognomine, qua fertur incola fuisse terrarum necdum moribus offensa Iustitia. Pie regimur et quædam pignora Principum sumus. Neque alia inter cives quam inter filios iudicii discretio (e) est: dignus amore præponitur, et tamen qui (f) displicet non necatur: præmiis virtutis corrigitur ignavia. Quantos (g) iste ad optimam frugem rapiet consulatus, dum alios honoratis alios eruditis? Nam quibus ab natura recti amor defuit, spem sequentur. Vellem nunc truces iudicis (3) sciscitari, quæ validior emendatio sit? Olim timor agebat ut bonus quisque trepidaret, nunc honor facit ut malus quisque desperet.

XI. Honor

Reliqua desiderantur.

(a) Cod. præstitisti. (b) Cod. aurum mirabiles ut se nunc habentur. (c) Cod. reservabit. (d) Cod. gaudes. (e) Cod. discretio. (f) Cod. quis. (g) Cod. quantus.

(1) Quantum Gratiani initia a Valentiniani extremis abhorruerint testatur etiam Ansonius in *Gratiarum Actione* sub initium: » Palatium, » quum terribile acceperis, amabile præstitisti: curia honorificis modo » læta decretis, olim sollicitis mœsta querimoniis ». Paria autem huic loco habet Symmachus in Epistola 21. libri 10. quam Epistolam et ad Gratianum Augustum arbitror scriptam et de prosperitate agentem, quam Maximini interitus romano imperio pepererat. Nam quod ibi Pareus Maximam tyrannam innui putat, id commentantis arbitrio fingi videtur.

(2) Nota loquutionem *invidiam trahere*, sicuti vetus Ciceronis Interpretæ a nobis editus ad Orationem *pro Deiotaro* Editionis nostræ p. 134. habet *trahere suspicionem*.

(3) Truces hos iudices, Maximini comites, recenset Ammianus xxviii. 1.

ORATIONIS PRO TRYGETIO

ARGUMENTVM

*H*ANC Orationem mirifice illustrat ipse Symmachus Epistolâ 44. Libri 1. quam heic exscribere prætium operæ est.

„ SYMMACHUS AGORIO PRÆTEXTATO.

„ Meretur indulgentia in me tua, ut ea, quæ pro-
 „ xime laudi mihi fuerunt, clam te esse non patiar.
 „ Credo indicium fecisse tibi famam, quod Parentem
 „ meum ruri atque in secessu amissæ domûs iniuriam
 „ decoquentem, frequentibus suffragiis, denique oratori-
 „ bus missis, novo honore Senatus acciverit. Quâ causâ
 „ ubi primum facultatem loquendi apud collegas attulit
 „ dies, egit ille Senatui gratias eâ facundiæ gravitate,
 „ quâ notus est. Calendæ tunc erant, quibus annus
 „ aperitur. Brevi intervallo cum familiaris mei Trygeti
 „ filio prætorio candidato actionis operam spopondis-
 „ sem, animum religio convenit, ut occasione desti-
 „ nati officii obirem munus adhuc a me patri debitum,
 „ sed, ut dixi, ab illo Senatui iam solutum. Ergo
 „ ad quintum idus Ianuarii verba feci in amplissimo
 „ Ordine „.

Porro Symmachus narrat eiusdem Libri Epistolâ 52.,
 eam Orationem Senatui et ipsi Agorio Prætextato
 magnopere placuisse.

„ SYMMACHUS AGORIO PRÆTEXTATO.

Orationem meam tibi esse complacitam, nihilo sequius
 „ gaudeo, quam quod eam secunda existinatione pars
 „ melior humani generis Senatus audivit „.

En igitur eius Orationis Fragmentum, in cuius priore parte reapse Orator pro restituto Patre gratias agit: tum ad filium Trygetii transit, quem commendat ut præturam consequatur.

D. Augustinus Symmacho oratori coætaneus (a quo etiam præfecto Urbis Mediolanum rhetoricæ artis magister missus est) meminit Trygetii civis et discipuli sui in Libro de Vita beata Cap. 6. Quin idem Trygetius disputat in eodem Libro, in Academicis et de Ordine. Ad Trygetium item data est Lex 4. Tit. 20. Lib. XI. Cod. Theod. ab Impp. Honorio et Theodosio. Nimis autem abesse videtur ab his temporibus ille Trygetius, quem Auctor Historiæ miscellæ Lib. XIV. ait sub Theodosio Iuniore et Valentiniano III. portionem Africæ Vandalis ad habitandum dedisse, pace magis necessaria quam utili.

Q. AVRELII SYMMACHI V.C.

ORATIO PRO TRYGETIO

. . . . I. *Desiderio vestro* cum absumus, testimonio cum venimus. Nec formidamus invidiam: sensit et experta est quid Parenti meo adversata profuerit. Cesserat quidem sponte ille per verecundiam paucorum facilitati: utque melior ad vos rediret, curarum vacuus animum litteris excolebat (1). Sed hoc Ordo amplissimus diu non tulit. Statim, quasi ex longo ut redire vellet orastis. Iussistis, malui dicere; nam Senatus cum petit vehementius, præcipit. Parum hoc deferentibus visum est: adlegantur ad eum cum primis nobiles viri, administri et internuntii publicæ voluntatis. Quanta hæc desiderii vestri pompa est, quæ beneficium suum pæne ambitum vult videri! Credo, hæc vestra opinio erat, ut per fætiales quodammodo vocaretur: verbenæ tantum et sagmina defuerunt. Certum est quidem P.C. et inexcusabile quod iubetis; sed ille sic accitus est, tamquam posset negare.

II. Ad te etiam, venerabilis Imperator (2), laudis istius summa referenda est. Is enim rempublicam

(1) Causam cur Symmachus pater secesserit ab Urbe narrat Ammianus xxvii. 3. » Symmachus Aproniano (seu potius Volusiano V. Cori-
» num de Præf. Urb) successit (in præfectura urbana) inter præcipua
» nominandus exempla doctrinarum atque modestiæ, quo instante Urbs
» sacratissima otio copiisque abundantius solito fruëbatur. Consumptis
» aliquot annis domum eius in transtiberino tractu pulcherrimam in-
» cenderunt (ingrati cives) ea re perciti, quod vihis quidam plebeius
» infixerat, illum dixisse, sine indice ullo vel teste, libentius se vino
» proprio calcarias extincturum, quam id venditurum pretiis, quibus
» sperabatur ». Porro Symmachum patrem siquid ei erat «titi, id lit-
teris impendisse, prorsus constat ex eiusdem Epistola ad filium
(Epist. Symm. Lib. I. 2.).

(2) Intellige Valentinianum Seniore, sub quo videtur nata occasio huius Orationis dicendæ.

liberam tenet, sub quo aliquid invidendum potestati Senatus. Ideo (a) magnus, ideo præclarus es, quia primum te mavis esse quam solum. Quidquid adipiscuntur (b) boni, sæculo tuo profecit. Traxerunt olim plerique (c) suspiria, et quasi amari Imperatoribus tantum liceret, privatorum merita presserunt. Mihi autem vere pater patriæ videtur, sub quo laudari vir optimus non timet. Est etiam illa securitas temporis tui, quod nemo se apud (d) Principem minorem fieri putat, si ipse alterum sibi præferat. Quis enim est invidiæ locus, cum omnes a te iusto ordine diligentur?

III. Sed iam satis multa de nobis. Demus aliquid operæ, aliquid temporis etiam Trygetio clarissimo et emendato viro, qui vos (e) oratos per me adque exoratos cupit, ut eius filium functioni (f) prætoris destinatum decimus annus accipiat (1). Si voluntas spectanda est, debetis munificum senatorem probare, si facultatis nihil plus potestis inponere.

IV. Me quoque in hoc negotio cogitari decet, qui soleo agere gratias, qui obliterari benefacta non patior. Recte locantur officia secunda, ubi prima viguerunt. Istum novo debito alligatis, me gemino.

.....

Reliqua desiderantur.

(a) Cod. adeo. (b) Ita Cod. adipiscuntur. (c) Cod. plerique. (d) Ita Cod. apud, et alibi semper apud. (e) Cod. quis vos, vel qui nos. (f) Cod. functiones.

(1) Hoc indicat, Trygetii filium petivisse præturam urbanam. Ait quippe Polybius vi. 17. urbanum magistratum non ante capere cuiquam Romano licuisse, quam decem annos militando exegisset. De prætura urbana Trygetii filii, deque hac ipsa Oratione loqui arbitror Symmachum in Epistola ad Theodorum nona libri quinti: » Duae » Oratiunculas nuper editas a nobis misi. Earum una ad urbanos fascis resultantem Candidatum tenuit ».

ORATIONIS PRO SYNESIO

ARGUMENTVM

*H*ac Oratione dignitatem senatoriam impetrare contendit Symmachus Synesio Iuliani filio. Porro Iulianum, eloquentem virum, familiarem ac necessarium suum commendat Ausonio idem Symmachus Epistolâ 43. Libri 1. Quin ad Iulianum Rusticum, qui place unus idemque videtur vir, scribit noster Orator Libri tertii priores Epistolas novem, quarum in septima ait etiam, se illi mittere Oratiunculum quamdam suam in Senatu recitatam, quæ tamen non huius argum-nti fuisse videtur. Aliquanto propius ad rem nostram accedit quod narrat Neoterio Symmachus Epistolâ 43. Libri 5. de Oratione sua postulatoria in Senatu recitata: » Oratiunculum, quam » proxime in Senatu habui, ad te misi, de qua Car- » terium tecum plene arbitror collocutum. Nam peti- » tionî nostræ auditor interfuit. Et quamvis totius Or- » dinis secunda suffragia cepisse videamur, in te uno » tamen summam testimoniî collocamus ».

Q. AVRELI SVMMACHI

INCIPIT ORATIO PRO SYNESIO

I. Quod Iuliani C.V. cum primis amici mei filio prelator (a) potius quam testis adsum (1), nemo viri (b) diffidentia curatum putet, cum statuerim P.C. non minore a vobis reverentia et fide (c) omnia poscere, quam ceteros. Opto iurare, et mehercule debuisssem subire partes dicendi testimonii, nisi eius desiderium recepissem, a quo laudatores consuetudo vestra magis exigit quam dubitatores (d). Nulla igitur suspecta sit ista libertas muneris mei. Rogaturus ut dignitati nostræ novus senator accedat, habeo præsentem poenam (e) si iungor indigno. Neque eam numero et modo simplicem, si uno facto et meæ auctor iniuriæ, et reus vestræ sim. Quare credatis velim, non mea cautela factum, sed securitate suscepti, ut hoc potius sortirer officiū. Dum iuratoribus abundat, dum meriti sui certus est, adhibuit petitozem, quem testem sibi alius reservasset.

II. Nec me putetis satis absolutum conditione iurantium. Ego vero, cum res amici agitur, etiam de nobis arbitror iudicandum. Memini quanta diligentia mihi constet singulorum familiaritas: neque ita sum prodigus publicæ dignitatis, ut de alieno

(a) Cod. *preceptor*. (b) Ita Cod. *ubi* Suspiciasbar scribendum veri. (c) Cod. *reverentiam* et *fidem*. (d) Cod. *dubitatores* et quidem videbatur scribendum *iuratores*. (e) Cod. *pana*.

(1) In legendo senatore habebatur ratio famæ, generis, ordinis, ætatis, magistratus gesti, census, quæstus non turpis. Opus autem fuit horum capitum exhiberi testes a Candidato. Paret vero ex hac Oratione, non testes modo in petendo senatorio ordine, sed laudatores etiam adhiberi solitos, ut in causis forensibus fiebat.

solvam contractuum domesticæ gratiæ. Taceo officiorum nostrorum laudabilis vices. Nolo pro meo debito curiam (a) pervenire. Quippe utrumque deforme est, et collegam futurum non censi merito suo, et laudatorem eius de commune (b) esse solvendo. Quanto honestius dico, non ideo Synesius in Senatum legendus est quia (c) mihi amicitia iungitur, sed ideo amicus est quia dignus est qui legatur!

III. Pater huic Iuveni est Iulianus adscitus (1) senator, quæ res de merito venit: siquidem dignitas innata felicitatis est, delata virtutum. Ceteri retro mores illius tunc a vobis probati sunt cum (ita) selegeretur. Num dictato rationis me (æ finiero) testimonio? Iurasse me existimate, quia prædico quæ potestis agnoscere. Nec iniuria quis dixerit, Synesium plus decorem adferre sui. Et illud accessit, quod ex eadem domo iam secundus admittitur. Etenim propago generis, quæ nec longius recedit a novis (d), tanto altius tendit ad noviles (e). Non multum (equidem)

Reliqua desiderantur.

(a) Ita Cod. sine praepositione. (b) Nempe de communi. (c) Cod. qui. (d) Ita Cod. novis fortasse pro nobis. (e) Ita Cod. pro nobilibus.

(1) Videtur *adscitus* hoc loco idem esse atque *adlectus*. Porro, ut scribit Festus, *adlecti dicebantur apud Romanos, qui propter inopiam ex equestri ordine in senatorum supt numero adsumpti*.

ORATIONIS PRO SEVERO

ARGUMENTVM

LAUDAT Symmachus Severum, qui splendidis functus muneribus denique lectus erat in Senatum. Porro ad Severum senatorem optimum scribit Symmachus Epistolam 6. Libri 8. nullusque dubito, quin pro eodem viro hanc Orationem habuerit. Sancti et optimi amici sui Severi meminit Symmachus etiam Libri 6. Epistolis 5. 38. 49. et Libri 7. Epistolâ 111. Quin eiusdem Libri 7. Epistolâ 51. commendat Decio noster Orator Severum quemdam fratrem suum (nempe familiarem et necessarium) quem dicit Episcopum omnium sectarum attestatione laudabilem. Denique Libri nuper citati Epistolâ 116. filios etiam commendat illustris memoria viri Severi.

·Q· AVRELII SVMMACHI ·V·C·

ORATIO PRO SEVERO

. I. posset vindicare virtuti. Sed quid opus est apud nobilissimos (a) humani generis cuiusquam familia gloriari? Solis radiis omne lumen obtunditur. Stellarum ignis (b) rutilare non sinit candor diei. Vos tamen mementote, non diffidentia istud fieri, sed reverentia. Ante sacras quodammodo curiæ foris (c) ornamenta maiorum suorum novus collega deponit: tantum virtutibus stipatus ingreditur, quæ solæ etiam genus indicare possunt quod laudare noluimus.

II. Si posset ullus in tantis rebus ordo retineri (d) moris (e) viri prius adsererem, tunc (f) honores. Sed intellego, utrumque iungendum: fideliter enim de ingeniis singulorum potentia indicat. Quanta reverentia factum putatis, ut tam sero legeretur olim pervectus in fastigia summa reipublicæ? Adhuc dubitat, an senatorem possit implere. Nempe auxit dignitatem nostram ista cunctatio: et superior locus factus est, quem sibi optimus virorum post honores potissimos reservavit (g). Fateamur necesse est ·P·C· ideo nobis amplius esse delatum (h), quia properantibus aliis ad hunc ordinem nil negamus.

III. Non tenui laude celebranda meritorum mediocritas, in hac præsertim nostræ ætatis facilitate, quæ desiderii gradus non habet. Quis credat summam facundiam, diu inter fori ornamenta numeratum, præsidalem dudum recepisse provinciam?

(a) Cod. nobilissimus. (b) Ita Cod. pro ignes. (c) Ita Cod. pro fores. (d) Cod. retinere. (e) Ita Cod. pro mores. (f) Ita Cod. pro tum. Confer inferius p. 64. (g) Cod. potissimè reservabit. (h) Ita Cod. delatum, sed melius videtur dilatum.

multoque itinere decurso, ad honorem pæne exiguum navigasse? cum plerique (a) hominum viliorum prope a summis potestatibus inchoarent. Sed bona conscientia illud ducit eximium quod ipsa suscepit: eumque ordinem statuit magistratuum quem fecerint merita rectorum. Nescit publica merita nominibus æstimare: et illud putat esse fastigium, quod acceperit digniorem.

IV. Crevit adeo illo tempore præsidatus, seseque ad magnitudinem regentis tetendit. Et cum potissimi viri gloriam provincia una non caperet, egit famalius negotium suum, ut Theodosio, quondam militarium magistrorum celeberrimo (1), consultor belli per Africam iungeretur. Hic iam dissimulare non possum quid testimoni

Reliqua desiderantur.

(a) Ced. *plerique*.

(1) Intellige Theodosium magni Theodosii patrem, qui præclaris rebus per Africam gestis, tandem Carthagine aulica invidia oppressus est anno Gratiani post Valentinianum imperantis primo, Christi 376. Et quoniam tangit Orator Severi militaria, ut videtur, facinora; veniebat mihi in mentem Severi apud Ammianum sæpe memorati. Occurrit namque Severus magister peditum, quem nonnullorum studia, ægro- tante Valentiniano, petebant imperatorem xxvii. 6. Idem ducit exercitum contra Saxones xxviii. 5. Idem pergit primus contra Macrianum regem Alamannorum xxix. 4. Immo Severi militaria facinora narrantur xvi. 10. ii. 12. Severus item domesticorum Comes xxvii. 2.

AD LAUDATIONIS

UT VIDETUR

FRAGMENTVM

EDITORIS MONITVM

*I*N Codice Ambrosiano (G. 58. part. sup.) exstat anonymum quoddam Fragmentum litteris grandioribus licet rudibus exaratum, cuius tantum pars media integra legi potest, extremitatibus scalpro rasis. Scriptura quidem sæculi VI. se prodit.

Laudatur autem in eo quædam princeps Femina ad nuptias, ut videtur, exornata. Multa mihi in mentem veniebant, primum de Auctore, quem Symmachum suspicabar. Tum cogitabam agi fortasse, vel de Flaccilla Theodosii M. coniuge, vel de Serena Theodosii ex fratre nepte quæ nupsit Stilichoni, vel denique de Maria horum coniugum filia quam duxit uxorem Honorius imperator.

Symmachum laudes Theodosii M. scripsisse exploratum est. Atqui fieri potuit ut illis Augustæ etiam uxoris laudes misceret, quod fecit et Plinius in Traiani Panegyrico.

In hoc Fragmento sermo multus de gemmis est. Iamvero in sepulcro Mariæ an. 1544. Romæ detecto mirum gemmarum thesaurum repertum esse constat. V. Marlianum Topogr. Urb. Rom. Lib. 5. Cap. 21.

Ceterum paulo graviora me impellunt momenta ut de Serena loqui Oratorem existimem: quam opinionem meam mox confirmare studebo comparatione Laudum Serenæ a Claudiano scriptarum. Sed enim fortasse veritas aliunde erumpet, quæ meas de scripto hoc eiusque argumento et Auctore suspensiones inanes coarguet. Ultro enim fateor, nihil esse incertius, nihil fallacius ratione tota coniecturarum.

LAUDATIONIS

VT VIDETVR

FRAGMENTVM

I. qui regem fortem gladium
 nec palatium sanguine res tanta rerum
 biōrum pes certam tubam pervenit
 ad regnum (1) Felici respublica potuit quas-
 satas validare. En tis sapientem complestis
 felicissime forte ne sint caterba-
 tim habes fuerit tanti viri fabu-
 lam undique potuissent eligere nisi qui pro-
 betur sæpius bella peregissee. Redeamus igitur ad
 Dominam felicem, ad aliquid nata
 virtutibus excusare non poterit, cum se coniugem
 viri fortis agnoscit (2). Huc ergo ad aulica penetra-
 lia sorores honestissimæ (a) convenite: huc cum
 summo nitore comite, quæ vos possit ornare. Prima
 frontem (b) castitas cælestis instituat (3). Deinde rosea
 verecundia genas depingat (4). Moderata temperan-
 tia fulgentium luminum (5) serenet aspectum. Cor

(a) Cod. *honestissima*. (b) Cod. *fronte*.

(1) Fortasse hæc dicit Orator de Theodosio M.

(2) Serena nupsit Stilichoni duci fortissimo. Dicitur is a Claudiano
Laus Seren. v. 179. *Variis Stilicho spectatus in armis.*

(3) Castitatem Serenæ commendat Claudianus *Laus Ser.* v. 149. et
 seqq. Tum Carmine de nuptiis Honorii et Mariæ, dicit Claudianus de
 Mariæ Serenæ filia v. 231. *Maternasque bibit mores, exempla discit
 Prisca pudicitia.*

(4) Pudoris Serenæ testis est Claudianus *Laus Ser.* v. 128. et seqq.

(5) Flagrantiam oculorum Serenæ et Thermaniæ sororis memorat
 etiam Claudianus *Laus Ser.* v. 121. *Utraque luminibus tumidum micat.*

nobile mitis pietas amministret (1). Sermonem linguæ honora sapientia largiatur (2). Gressus religiosos modestia tranquilla componat. Talem pompam habere meretur obsequiorum quæ tantorum regum posteritas potuit inveniri (3).

II. Vos autem nubescite prasinæ, pallescite lychnites, albescite hyacinthi (a), fuscaminī margaritæ. Non hic regias opes insana cupiditate devoratis. Tulit vobis pretia (b) quæ de se probatur ornata (4). Ferunt amabilem (c) Venerem toto orbe laudatam strabis (d) intendisse (5). . (6) inter innumeras margaritas et ostrum verenda nigredine decorum, serena facie

(a) Cod. *hyachincti*. (b) Cod. *pretia*. (c) Ita Cod. pro *amabilem*. (4) Cod. sic STRABIS.^N

(1) Claudianus in Epistola ad Serenam v. 47. ait:

*Quid non perficeret scribenti voce Serenæ
Vel genius regni vel pietatis amor?*

(2) Claudianus item de Serena in eiusdem Laude v. 88. *Ternaque te Gratia afflavit docuitque loqui.*

(3) Serena quidem nata est ex Honorio privato Theodosii M. fratre, sed a Theodosio Augusto adoptata est, teste Claudiano *Laus Ser.* v. 104. qui et v. 36 loquens de Serena ait: *Quæ maior origo, Quam regalis erit?* Quin et diserte *Regina* dicitur a Claudiano Serena. Sed enim et de Maria in *Carm. Nuptial Honor. et Mar* canit idem Claudianus v. 253 *Magnorum soboles regum parituraque reges.*

(4) Serenam dicit Claudianus in eius Laude v. 3. *solitam consurgere gemmis et rubro radiare mari.* tum v. 223. *solitos gemmarum sumere cultus.*

(5) Venerem ad nuptias Mariæ ducit Claudianus. Sed alius videtur hic locus Oratoris Varro quidem apud Priscianum Lib. 6 in Putschio p. 684. ait: *Non hæc res de Venere pæta strabam facit.* Tum Ovidius de *Art* II. non procul a fine. *Si pæta est, Veneri similis, si flava Minervæ.* Porro ex hoc loco saltem constare videtur Oratorem non esse Christianum.

(6) Quæ sequuntur, erant in alia pagina, neque prioribus proxime coherere videntur.

plus lucentem, quæ in medio constituta gemmarum suum vincit ornatum.

III. En corusca sedes, quem dives India miretur, Persis gemmata concelebre, Hispania novilis (a) obstupescat, ubi roseas virgines intuemur pinnis rutilantibus alas (1), quales pomposas decet esse victorias. Margaritarum quin etiam lacteæ coronæ flexis auro circulis pulcherrima rotunditate clauduntur. Sic in opere tuo videtur positum, quod sola felicitas meretur ad præmium.

IV. Hyacinthi (b) quoque tætra luce vibrantes cum luminibus clavis mixtas cernuntur emicare nigredines. Prasini (c) tremula viriditate concludunt, lychnitæ vomunt frigidas flammæ, hispanæ sanguineos colores emanant: et una dispositio tua tot diademata conficit, quæ cunctas mundi dominas Sidereum (2) quoddam . . . sunt . . . in pigre . . . perenne quod non præstat æstate. Nam . . . qui . . . re peculi altitudinem . . . propria est intentam dulcedinem . . . meritos esse conspectu essent sol operibat summa semper illis quod semper laudaretur. Videmus enim do relucet in amictus lat

Rèliqua desiderantur.

(a) Ita Cod. pro nobilis. (b) Cod. hyacinthi. (c) Cod. prasinae, et superius prasini.

(1) Nota cultum virginum Hispanarum. Videtur autem Orator peculiari studio laudare Hispaniam. Et Claudianus quidem *de Nupt. Honor. et Mar.* v. 40 dicit Serenam sublime decus torrentis Iberi. Tum idem *Laus Ser.* fusa Hispaniam concelebrat, quæ *Flaccillam Mariamque dedit pulchramque Serenam.*

(2) *Sidream* dicit Serenam Claudianus *de Nupt. Hon. et Mar.* 252. Item *Laus Ser.* 219. Item *Epist. ad Ser.* 58.

PLINIANI PANEGYRICI

VARIÆ ALIQVOT LECTIONES

SYMMACHI Orationibus interiecta inveni folia tria (coæva plane et ab eodem quo Symmachus amanuense scripta) *Pliniani panegyrici* particulas habentia. Quorum particularum institutâ cum editis collatione, ingens se prodidit lectionum varietas, quam hoc loco exhibere non piget. Sic enim et *Pliniano scripto* emendatio aliqua accedet, et simul constabit quam præclaris Codicibus nos utamur, quamque Editiones etiam optimæ a veterum exemplarium fide longe recesserint.

EDITIO ARNTZENII

Amstelædami 1738.

PALIMPSESTVS

AMBROSIANVS

CAP. VII.

- | | |
|-----------------------------------|---|
| 4. Alter eligi, alter eligere. | Alter elegi, alter elegere. |
| Adoptatus es. | Adoptatus est. |
| Alius atque alius. | Alius adque alius antiquâ orthographiâ. |
| 5. An senatum populumque romanum. | Confirmat lectionem <i>Ambrosianus palimpsestus</i> . |
| Non per totam. | Non totam per. |
| Quem Diis simillimum | Quem dignissimum. |
| 6. Ut possis esse contentus. | Ut posses esse contentus. |
| Superbum istud et regium, nisi. | Superbum istut et regium est, nisi. |
| 7. Genueris an elegeris | Genuerit an elegeri(t). |

CAP. VIII.

- | | |
|--|---|
| 1. Nec iudicia hominum,
sed Deorum etiam in
consilium adsumsit. | Nec modo iudicium hominum
sed Deorum etiam consi-
lium adsumpsit. |
| Non tui in cubiculo. | Non in cubiculo. |
| Libertas et salus. | Salus et libertas. |
| 2. Dii gloriam illam. | Gloriam illam Dii. |
| 3. Horum illud imperium,
Nerva tantum minister
fuit. Uterque, qui
adoptaret tam paruit. | Illud horum imperium, Nerva
tantum fuit minister. Uterque
adoptaret tam paruit (<i>dic</i>
<i>paruerit</i>). |
| Imperatoris exortum. | Imperatoris exordium. |
| Advocata hominum con-
cione. | Advocata contione hominum. |
| 4. Tuis humeris. | Tuis umeris. <i>Ita sine adspi-</i>
<i>rata sæpe vidi in antiquis</i>
<i>ms.</i> |
| 5. Opus istud fuit, sed adop-
tati. | Opus istud sed adoptati fuit. |
| Atque adeo. | Adque adeo. |

CAP. LXXVIII.

- | | |
|-----------------------|---------------------------|
| 6. Donec te consulem. | Donec te sæpius consulem. |
| Apud Deos. | Aput Deos. |
| Quorum potes ipse. | Hos quibus potes ipse. |

CAP. LXXIX.

- | | |
|-----------------------------|--------------------------|
| 1. Fortasse sufficiat tibi. | Tibi fortasse sufficiat. |
| Instituit et induxit ut. | Instituit induxit ut. |
| 2. Non sciremus. | Nesciremus. |
| 3. Audiet reddet quas. | Audiet reddetque quas. |
| Tentabitque. | Temptabitque. |

- | | |
|--|---|
| 4. Pietati senatus. | Pietati certe senatus. |
| Incognitam quandam proximamque maiorem. | Incognitam quondam proximamque maiorum. |
| Quis enim est tam inbecilli ingenio qui non. | Quis enim ex tam docili ingenio non. |
| 5. Alius labores, si non. | Alius se a continuo labore, etsi non. |
| Resumpsit. | Resumpsit. |
| 6. Videmus ut. | Videamus ut. |
| Civitatum. | Civitatum. <i>Confer Varronem lib. 7. L.L. Cap. 37.</i> |

CAP. LXXX.

- | | |
|---|---|
| 1. Quam mitis severitas, quam non dissoluta clementia? Non locupletando fisco sedes, nec aliud. | Quam mitis severitas, non dissoluta clementia? Cui tu non locupletando fisco operatus sedes? nec aliut. |
| 2. Causa. | Causa. |
| 3. O vere principis atque. | O veras principis atque. <i>Desinit pagina Codicis.</i> |

CAP. LXXXV.

- | | |
|--|--|
| 6. Amicos parare. | Amicos parere. |
| 7. Et cum alias virtutes tuas, tum hanc. | Et cum reliquas virtutes tuas, tunc hanc. <i>In aliis etiam antiquis mss. vidi tunc pro tum. Confer Symmachum p. 56.</i> |
| Humile esse principi. | Humile esse principis. |
| 8. Adest facultas tanta. | Tanta facultas inest. |

CAP. LXXXVI.

- | | |
|--|---|
| 1. Tibique carissimum. | Tibique rarissimum. |
| Quantum amares eum. | Quantumque amares eum. |
| 2. Cum princeps. | Quod cum princeps. |
| Præfectum prætorii. | Præfectum prætorio. |
| Non ex ingredientibus, sed. | Non ex ingredientibus se, sed. |
| Distentus imperii curis. | Distentus in periculis. |
| 3. Intelligimus. | Intellegimus. |
| 4. Stetit Cæsar in illa amicitiae specula precatusque maria, celeremque. | Stetit Cæsar in illa amicitiae specula, stetit precatusque est prona maria, celeremque. |
| Votis, lacrymis. | Votis et lacrimis. |
| 5. Nisi quod pæne ipso. | Nisi quod non(ne) ipso. |
- Etiam in scripto Pliniano vidi præcium, præcibus, præcatus cum diphthongo, quam scripturam constantem observavi in antiquis mss.*

RERVM NOTABILIORVM

INDEX

A

- Ætas aurea Latii veteris sub Gratiano imp. p. 47.*
Africanus diu in Sicilia palliatus errat 8.
Alexander philosophorum comitatum circumducit 34.
Idem de paterna gloria queritur 36.
Antiochus puer rex Syriæ 33.
Antonius desidet in nuptiis Egyptiis 8.
Archimedis commenta 18.
Augusti substructiones in sinu Baiano 8-9.

B

- Belum (Procopii) civile in Oriente excitatum 9.*
Burgundionum legatio crebra ad Valentinianum Seniore 26.

C

- Comitiorum veterum et novorum mos 40.*
Consularis sub aliquot Cæsaribus nundina ibidem.
Crassi militare responsum ad filium 23.

D

- Dædalus Minotaurum labyrintho includit 18.*
Deorum cultus dispare 23-29.
Didus singularis nominativi terminatio 17. Eadem Didus spatium tergore circumciso comprehendendum emit ibidem.

E

- Ennius (vide loci emendationem) Fulvii Nobilis præceptor et socius 34.*

F

Fusa, orum genere neutro 35.

G

Gigantum fabula 19.

Gotysii 17.

Gratianus Iunior puer consul 31. *Eiusdem consulis elegantia decreta* 32.

Idem puer Augustus ibidem. et 5. *Socius paterni imperii* 28-29. *Litteris et armis occupatus* 33 - 34. *Utriusque imperii heres* 37. *De eius latissimo imperio vaticinia ibidem.*

Gratianus Senior Valentiniani et Valentis impp. pater 5.

H

Heroes ad Troiam delati litoris ignoti timent contactum 24.

Hispanæ virgines pinnis rutilantibus alatae 61.

I

Iuratores et precatores adhibiti in petitionibus magistratuum 53.

Julia domus famulatur sacris Veneriis 29.

Iulianus senator adscitus 54.

L

Lucullus pæne victor luxuriatur in Ponto 8.

M

Marcus imp. in Lycio et Academia remissior 9.

Maronis Ecloga quarta Gratiano imp. accommodatur 35.

Maximinus parit dedecus Valentiniano Sen. 44. *Idem pæne tyrannus* 45.

Idem, postulante senatu, a Gratiano imp. damnatur 44-45.

N

Niger fluvius deditus Valentiniano Sen. 21. *Idem ignotus antiquis scriptoribus ibidem.*

Nuptiæ supplicii permixtæ 46.

P

- Panætius Africani in bellis comes* 34.
Pinarii sacra Herculis curant 29.
Pius imp. otatur Caietæ 9.
Pliniani Panegyrici variae aliquot lectiones 62 et seqq.
Pompeii M. responsum in censu equestri 35.
Pontes Rheno et Tiberi impositi 35-36.
Portus in Rheno effectus apud Nemetas 26.
Procopius Valenti ad supplicium deditur 11-12.
Ptolemaeus puer sub tutore romano rex 33.

R

- Rhenus Valentiniano Sen. supplex* 20.

S

- Scipiones hospitio excipiunt Matrem Idæam* 29.
Severum in Senatum adlectum commendat Symmachus 56. *Idem Severus eloquentiæ summas ibidem. Idem consultor belli Theodosio (patri) adiunctus* 57.
Spinea fax in nuptiis 46.
Symmachus orator adest Valentiniano novum oppidum condenti 18. *Idem gratus beneficiis* 51. *Idem cautus in legendis amicis* 53.
Symmachus pater consul 42. *Idem legatione Senathis e secessu revocatur* 50.
Synesio Iuliani filio postulat senatoriam dignitatem Symmachus orator 54.

T

- Theodosius (pater) militarium magistrorum celeberrimus* 57.
Tiberius in insularum devorsoriis natans et navigans adoratur 9.
Trygetii filius præturam petens oratione Symmachi commendatur 51.

V

- Valens a Valentiniano fratre fit socius imperii* 6. *Valentis et Valentiniani societas comparatione contraria solis et lunæ commendatur* 6-7. *Valens Præficietur Orienti* 7. *In civili bello elementer victoria utitur* 11.

Valentiniani Senioris incunabula in Illyria, pueritia acta in Africa cum patre apud exercitum 1-2. Idem Valentinianus, creatus imperator confert se ab Oriente ad Rhenum 7. In Callico agro diu versatur 8. Lustrum imperialium annorum condit in castris 9. Bellum Germanicum bene gerit 9. 16. 24-25. et alibi. Non fert opem Valenti adversus Procopium 10. Eius conciones ibidem. Idem tertio consul 15. Quotannis oppida condit ibidem. Munimentum maximum construit ad Rhenum 19. Immo totum flumen operum corona prætexit 26. Idem fugat ambitum, dignitates meritis reddit et castrorum ac curiæ parem fortunam facit 12. Eloquentiam foro restituit 27. Idem secreti militaris tenax 23. Modicis tributis contentus 28. Fortis et bene moratus 14. Divus 43 et 45.

Venus fertur strabis intendisse 60.

Virtutes principi feminae convenientes 59-60.

X

Xantus fluvius incenditur a Vulcano 22.

TABVLÆ ADIVNCTÆ EXPLICATIO

- I. Particula Laudum priorum in Valentinianum
Sen. Aug. reperienda in Editione nostra
p. 5-6.
 - II. Particula Laudationis, ut videtur, ex alio
Codice deprompta Ed. p. 61.
-

ERRATA

CORRIGE

- | | |
|---|--|
| P. 28. n. 2. v. 3. Valentianus | Valentinianus. |
| 32. n. 1. nuper electi eadem-
que videtur de qua
etc. | nuper electi. Immo potius videtur
illa, de qua etc. |
| 42. v. 3. Video detulisse | Videat detulisse. |
-

ſq̃. aut. ſummac̃h. .ūc. laud, in uel n. tēn. aut

I. Incredible pro uident clauſumq, co
ne uenit nūno rper t̃a p̃et im p̃et uat
et uat ad p̃a d̃e ſu ſe p̃o uer uat p̃u ſe u

II. Encoꝛuſ caſe d̃es qua m̃di ues in d̃ia
tur. p̃er ſis gem m̃a co ñce l̃e b̃re t̃
hiſ p̃a ña uul ſo b̃s t̃u p̃eſ ca t̃



1. The first group of people who are affected by the disease are those who are in the first stage of the disease.

2. The second group of people who are affected by the disease are those who are in the second stage of the disease.

3. The third group of people who are affected by the disease are those who are in the third stage of the disease.

4. The fourth group of people who are affected by the disease are those who are in the fourth stage of the disease.

5. The fifth group of people who are affected by the disease are those who are in the fifth stage of the disease.

6. The sixth group of people who are affected by the disease are those who are in the sixth stage of the disease.

7. The seventh group of people who are affected by the disease are those who are in the seventh stage of the disease.

8. The eighth group of people who are affected by the disease are those who are in the eighth stage of the disease.

9. The ninth group of people who are affected by the disease are those who are in the ninth stage of the disease.


10. The tenth group of people who are affected by the disease are those who are in the tenth stage of the disease.

11. The eleventh group of people who are affected by the disease are those who are in the eleventh stage of the disease.

12. The twelfth group of people who are affected by the disease are those who are in the twelfth stage of the disease.

13. The thirteenth group of people who are affected by the disease are those who are in the thirteenth stage of the disease.

14. The fourteenth group of people who are affected by the disease are those who are in the fourteenth stage of the disease.



This book should be returned to
the Library on or before the last date
stamped below.

A fine of five cents a day is incurred
by retaining it beyond the specified
time.

Please return promptly.

Ls 50.20
Q. Aurelii Symmachi ...
Widener Library 006705818



3 2044 085 252 609

